



学海 六十四之六



内	閣	文	庫
漢	書	3006	架
類	冊	80	函
類	冊	53	架

内	閣	文	庫
漢	書	3006	架
類	冊	80	函
類	冊	367	架

内閣文庫			
番號	漢	3006	
冊數	80 ( 25 )		
函號	367	85	



綴じ部(喉部分)の文字など開きが不鮮明な箇所あり

學海君道部卷之六十四

世系類六十

列國譜系四十

後周篇

通考曰後周制封爵郡縣亦有公侯伯子男五等爵者皆加開國

授柱國大將軍開府儀同者並加使持節大都督皇弟皇子置友



及學士等員外餘史闕文

宗室王公章

邵惠公穎文帝長兄也魏末討賊戰沒周保定初追封謚長子什肥

居晉陽為齊神武所害保定初追嗣父封謚曰景子冑嗣楊堅輔政

冑舉兵為楊素所殺



幽國孝公導顥子初以功封饒陽伯進章武侯卒謚孝周初追進  
今封長子文公廣初封蔡國公後嗣父爵卒子洽嗣隋文輔政被  
害

西陽昭公翼導子封卒無子以杞公亮子温嗣坐反誅

天水公衆導子封後為楊堅所殺

晉國蕩公護 顥少子魏時以功封水池伯邑五百戶大統中進

封中山公增邑通前一千戶閔帝受禪進今封邑萬戶護專政廢

閔帝而立明帝又弑之而立武帝天和七年伏誅

晉世子訓 譚國公會 莒國公至 崇業公靜

正平公乾嘉 昌城公藻 以上俱護子并誅

杞簡公連文帝兄少從戎戰沒保定初追封謚子烈公元寶為高歡  
所殺保定初追嗣父封贈謚無子以章武公導子亮嗣大象中以謀  
反誅復以亮弟椿紹封大定中為楊堅所殺并其五子

莒莊公洛生文帝兄少從戎為余朱榮所害保定中追封謚子穆公  
菩薩為高歡所殺保定初追嗣父封無子以晉公護子至嗣後坐父  
護誅復以衛王直子賓紹封尋坐直誅復以齊王憲子廣都公貢嗣

宣帝初被誅國除

虞國公仲文帝從祖兄也卒于代保定初追封子靖公興嗣卒子洛  
嗣隋初為介國公

廣川靖公測文帝族子也高祖中山曾祖豆頰祖麒麟父永仕魏位  
並顯達測尚魏宣武女封廣川縣伯從孝武西遷進爵為公大統十  
年卒子該嗣

安化成康公深測弟從孝武入關賜爵長樂縣伯以破齊功進爵為侯武成元年進今封卒子孝伯嗣以直諫賜死子歆嗣

東平公神舉文帝族子也高祖普陵曾祖求男仕魏位並顯達祖金殿魏安喜縣侯父顯和少而嗣爵進封長廣縣公卒神舉嗣爵天和初進封清河郡公後改封武德又改東平宣帝初以忌賜死子同嗣汝南公神慶神軌弟從武帝破齊封開皇初卒

安德縣公靜亂神慶子封

右文帝兄弟宗族封者十七

衛刺王直文帝子西魏封秦郡公武成初進封衛公建德三年進爵為王以謀逆誅及其子十人

齊王憲西魏封安城郡公明帝即位進封齊國公邑萬戶建德三年進爵為王

齊世子貴

河間王質

中垣公寶

安成公乾禧

龍涸公乾洽

以上俱憲子并死

趙僭王招西魏封正平郡公武成初進封趙國公建德三年進爵為王太象元年詔以沼州襄國郡邑萬戶為趙國後為隋文所害

德廣公員

永康王貫

越公乾銑俱招子并死

譙孝王儉武成初封譙國公建德三年進爵為王卒子乾暉嗣為隋文所害

陳愨王純武成初封陳國公建德三年進爵為王大象元年詔以濟南郡邑萬戶為陳國二年朝京師并其子為隋文所害

越王盛武成初封越國公建德三年進爵為王大象元年詔以豐州

武當安昌二郡邑萬戶為越國二年朝京師并其子遇害

代王建武成初封代國公建德三年進爵為王大象元年詔以澄州上黨郡邑萬戶為代國二年朝京師及其子遇害

冀國康公通武成初封卒子絢嗣建德三年進爵為王大象元年紹以荊州新野郡邑萬戶為滕國二年朝京師及其二子俱遇害

滕王道

宋公震

右文帝子封者十人孫封者七人

紀厲王康孝閔子保定初封紀國公建德三年進爵為王五年以罪賜死子湜嗣太定中遇害

右閔帝子封者一人

畢王賢明帝子保定四年封畢公建德二年進爵為王大象中遇害

鄴王真初封鄴國公建德三年進爵為王大定中遇害

宋王實

右明帝子王者三人

漢王贇武帝子初封漢國公建德三年進爵為王

秦王贇

曹王允

道王克

蔡王允

荆王元

右武帝子封者七王俱為隋文所害

萊王衍

郢王術

右宣帝子封者二王俱為隋文所害

功臣公侯章

魏國武公李弼遼東襄平人六世祖根後燕黃門侍郎祖貴醜平州

刺史父永大中大夫弼少有大志膂力過人魏永安初朱天光辟為別將以功封石門縣伯邑五百戶除南秦州刺史隨侯莫陳悅征討及悅殺賀拔岳弼乃擁眾歸文帝為大都督大統初從平竇泰又與高歡戰沙苑有功進爵趙郡公增邑一千戶四年從戰河陰六年擊柔侯景九年從戰印山轉太尉十四年討平北稽胡遷太保加柱國大將軍魏廢帝元年文帝西巡令弼居守拜太傅大司徒孝閔帝受禪除太師進封趙國公邑萬戶元年卒謚曰武改封魏次子耀尚太祖女遂以義成郡公嗣魏公爵歷柱國總管梁州刺史

邢國公李輝弼長子以弟耀故不得為嗣又以弼功重賜今封位至開府子寬大象末上大將軍蒲山郡公

真鄉郡公李衍輝弟少傳武藝慷慨有志畧釋褐千牛備身封懷

仁縣公從帝孝寬鎮玉壁改封普寧縣公從武帝平齊以功改今封賜子仲威爵浮陽郡公進位上大將軍隋文為丞相益州刺史王謙舉兵衍從梁睿擊平之進位柱國上大將軍隋開皇二年拜安州總管歲餘卒子仲威嗣

河陽郡公李綸衍弟以功臣子歷開府儀同三司封為聘齊使主早卒子雅嗣尚隋文帝女歷河州刺史

趙郡公李晏綸弟建德中以開府儀同大將軍封從明帝平齊沒于并州子憬以父死事嗣爵

汝南郡公李榭弼弟長不盈五尺性果決有膽氣少事宋榮榮死又隨朱兆入洛賜爵淝城郡男歷遷右將軍魏孝武西遷榭與東軍戰敗奔梁後得逃歸大統元年進封晉陽縣子邑四百戶

尋爲文帝帳內都督從復弘農破沙苑以功進爵爲公增邑四百戶又從破潁川戰邛山討稽胡征茹茹論功爲最改封封山縣公增邑并前二千一百戶孝閔受禪進位大將軍武成初進今封出爲延州摠管四年卒無子以兄弼子椿嗣先以櫛功封魏平縣子大象末歷大將軍右宮伯改封河東郡公

燕國文公于謹河南洛陽人曾祖婆魏懷荒鎮將祖安定平涼郡守父提隴西郡守在平縣伯謹性沉深有識量畧窺經史尤好兵書屏居閭里太宰元穆見之歎曰王佐才也及元纂北伐辟爲參軍從討破六汗拔陵破之除將軍又隨元穆討平葛榮邢杲及從尔朱天光破万俟醜奴封石城縣伯邑五百戶普泰初又從天光與高歡戰于韓陵天光旣敗謹遂入關文帝鎮夏州以謹爲防城大都督因進都關中之策高歡入洛謹從帝西遷仍從文帝征潼關破迴洛城進爵藍田縣公邑一千戶從破沙苑進爵常山郡公增邑一千戶又從戰河陰邛山累拜司空進今封增邑四百戶進位柱國大將軍別封一千戶子鹽亭侯侯邑一千戶魏恭帝元年以滅梁功別封新野郡公邑二千戶文帝卒謹定策立孝閔帝及受禪年卒年七十六謚曰文子寔以延壽郡公嗣魏恭帝爲大象二年加上柱國隋開皇元年卒謚曰安子顓周大宰護之婿也初以父勲嗣爵新野公邑三千戶其後累以軍功授上開府歷郢州刺史大象中爲吳州總管隋文受禪坐法當死隋文以門著勲績特原之貶爲開府後嗣祖爵燕公邑萬六千戶開皇七年拜澤州刺史數年免官卒于家子世虔嗣凡四世

延壽郡

公于仲文顓弟少聰敏好學起家爲趙王府屬累遷御正

下大夫數從征伐累勲授儀同三司封邑三千五百戶隋文爲相尉廻舉兵相州仲文拒之敗奔京師廻于是屠其三子一女隋文嘉之歷拜太子右衛率煬帝時進位光祿大夫卒年六十八任國穆公于翼寔弟年十一尚文帝女封安平縣公邑一千戶大統十六年進爵郡公後以軍功增邑一千二百戶明帝殂受遺立武帝改封常山郡公天和初增邑通前三千七百戶大象初歷拜大司徒出爲幽州總管及隋文帝執政尉遲廻舉兵相州以書招翼翼執其使送之進位上柱國進今封增邑通前五千戶別食任城縣一千戶收其租賦隋初拜太尉開皇三年卒

黎陽縣公于壘翼子少有器幹起家右侍上士尋授儀同從齊王憲破齊師于洛陽以功賜爵豐樂縣子邑五百戶尋從武帝

平齊加開府進今封邑千二百戶隋文帝爲丞相加上開府及受禪進位上大將軍拜汴州刺史有能名進爵郡公以疾徵還京師仁壽末卒于家謚靜

常山郡公于詮壘弟以父功封歷上儀同吏部下大夫

建平郡剛公于義翼弟大統末以父功賜爵平昌縣伯邑五百戶起家直閣將軍其後改封廣都縣公周閔帝受禪增邑六百戶進今封數從征伐進位開府宣帝時上疏進諫及隋文爲相王謙舉兵益州以義爲總管擊破之超拜上柱國歲餘以疾歸京師卒安平公于禮義弟官至上大將軍趙州刺史封

齊國公于智禮弟初爲開府以受宣帝旨告齊王憲反封尋拜涼州總管大司空



華陽郡公于紹智弟官至上開府綏州刺史封

平恩郡公于弼紹弟官至上儀同封

襄陽郡公于蘭弼弟官同前

楚國公趙貴天水南安人曾祖達魏庫部尚書臨晉子祖仁以良家

子鎮武川因家焉貴少穎悟有節槩孝昌盜起貴避難南遷為葛榮

所執榮敗尔朱榮以貴為別將從討元顥有功賜爵燕樂縣子從賀

拔岳平關中賜爵魏平縣伯邑五百戶及岳為侯莫陳悅所殺貴乃

與寇洛等奔平凉共迎文帝悅平貴為秦州大都督孝武入關貴討

曹泥于靈州以功進爵為侯又以預立魏文帝勲進爵為公增邑通

前一千五百戶從復弘農戰沙苑進爵中山郡公又從戰河橋援玉

壁拜柱國大將軍改封南陽郡公閔帝受禪進今封邑萬戶歷遷太

傅大冢宰時晉公護執政貴與獨孤信謀殺護信止之尋為宇文盛

所告被誅

襄城縣敬公趙善貴之從祖兄也祖國魏洛州刺史父更安樂太

守善好學美容儀沈毅有遠量尔朱天光辟為長史以從平關隴

功封山北縣伯邑五百戶天光死賀拔岳摠關中復以為長史岳

死善翊戴文帝從魏孝武西遷改封襄城縣伯增邑五百戶尋以

克曹泥功進爵為公增邑并前一千五百戶歷尚書左僕射大統

九年從戰印山為東魏所獲遂卒

衛國公獨孤信雲中人魏氏之初有三十六部其先伏留此者為部

落大人與魏俱起祖侯尼和平中以良家子自雲中鎮武川因家焉

父庫者為領民酋長信美容儀善騎射聖光末與賀拔度等同斬衛

可孤由是知名以北邊喪亂避地中山為葛榮所獲及余朱氏破葛榮以信為別將從破韓婁以功拜將軍又從破元顥賜爵爰德縣侯賀拔勝鎮荊州表信為大都督及勝弟岳遇害勝乃令信入關撫其餘眾而文帝已統岳兵相見甚歡因令信入洛孝武西遷信單騎及之於灑澗進爵浮陽郡公邑一千戶拜荊州大都督遂定三荆為東魏所敗奔梁梁武遣還長安赦罪復職仍從文帝復弘農破沙苑改封河內郡公增邑二千戶大統十四年進位柱國大將軍錄克下澆守洛陽破岷州平涼州等功增封聽回授諸子閔帝受禪遷太保太宗伯進今封邑萬戶坐與趙貴同謀逼令自盡于家長子羅先在東魏仍以次子善為嗣及齊平羅至善卒又以羅嗣衛公爵歷儀同大將軍

魏寧縣公獨孤善信第二子以父勲封歷儀同大將軍嗣父爵卒

于伏陀嗣魏寧公爵魏廢帝元年又以父勲歷加侍中進爵長安

郡公閔帝受禪除河州刺史以父罪久廢於家保定三年仍授龍

州刺史天和六年襲爵河內郡公邑二千戶從武帝東征以功授

上開府尋除兗州刺史卒

文侯縣侯獨孤穆信第三子魏大統中以父功封邑千戶

義寧縣侯獨孤藏信第四子同前封

項城縣伯獨孤順信第五子魏大統中以父功封邑五百戶

建忠縣伯獨孤信第六子同前封

梁國莊閔公侯莫陳崇代郡武川人其先魏之別部居庫斛真水五世祖曰大骨都侯其後世為渠帥祖允以良家子鎮武川遂家焉父

興殿中將軍羽林監崇少驍勇謹慤少年十五隨賀拔岳與朱榮征葛榮又從元天穆平邢果以功除將軍後從岳入關生擒万侯醜奴遷都督封臨涇縣侯邑八百戶及岳爲侯莫陳悅所害崇與諸將同謀迎文帝仍從平悅以功別封廣武縣伯邑七百戶大統元年進爵爲公尋改封彭城郡公邑三千戶三年從擒竇泰復弘農破沙死增邑二千戶十五年進位柱國大將軍遷尚書令閔帝受禪進今封邑萬戶歷拜太保太宗伯大司徒保定三年晉公護逼令自殺子芮嗣從武帝平齊歷上柱國大司馬

安平郡公侯莫陳順崇兄少豪俠有志度初事尔朱榮爲統軍後從賀拔勝鎮井陘武泰初討葛榮平邢果征韓婁皆有功又從破元顥歷遷越騎校尉普泰元年封木門縣子邑三百戶尋加大都督從魏孝武入關進爵彭城郡公邑二千戶從破沙苑以功增邑千戶大統四討南岐州氏符安壽破平之時順弟崇又封彭城郡公乃封順河間郡公明年改今封十六年拜大將軍出爲荊州總管閔帝受禪進位柱國少師其年卒

武威郡公侯莫陳瓊崇弟年八歲喪父養母至孝後以軍功封靈丘縣男邑三百戶從魏孝武入關爲文帝直盪都督大統三年累遷太子右衛率進爵爲侯十四年拜車騎儀同閔帝受禪進爵武安縣公增邑并前二千戶保定元年拜大將軍天和四年累遷荊州總管尋進位柱國進爵同昌郡公建德四年從武帝東伐改今封大象二年加上柱國太宗伯

靈武縣公侯莫陳凱瓊弟性剛正頗好經史隨兄崇以軍功賜爵

列國諸公 卷四十五  
下蔡縣男大統元年爲東宮侍書從文帝擒竇泰破沙苑以功進授都督十四年兄崇以平原州功進爵靈武縣侯詔聽轉授累遷車騎儀同閔帝受禪進位開府進爵爲公歷諸州刺史所在有績天和中入爲司會中大夫  
史臣曰蕭何文吏自愛懼秦法誅戮乃推奉漢高李通家傳識術知劉氏當興遂翊戴光武終而白水復禹中陽纂堯方策以爲美談功臣仰其徽烈趙貴獨孤信侯莫陳崇並以宏材遠畧附鳳攀龍績著元勳位居上衮而識慙明慙咸以凶終惜哉信雖不免慶延于後三代外戚何其盛歟

楚國昭公豆盧寧昌黎徒何人其先本姓慕容氏前燕之支庶也高祖勝以燕皇始初歸魏授郡守賜姓豆盧氏或云避難改焉父長柔玄鎮將有威重見稱於時以寧貴贈少保涪陵郡公寧少驍果有志氣美容儀永安中以別將隋尒朱天光入關加授都督又以破万侯醜奴功賜爵靈壽縣男天光敗後侯莫陳悅之亂文帝討之寧與李弼率衆歸文帝魏孝武西遷以奉迎勳封河陽縣伯邑五百戶大統元年進爵爲侯增邑三百戶尋拜鎮東將軍進爵爲公增邑五百戶從文帝擒竇泰復弘農破沙苑累遷車騎儀同增邑八百戶九年從戰印山進爵范陽郡公增邑四百戶十六年拜大將軍魏恭帝二年改封武陽郡公閔帝受禪授柱國大將軍武成初出爲同州刺史復督諸軍討稽胡破之進封邑萬戶別食鹽亭縣一千戶收其租賦保定五年卒養子勳嗣大象末歷上柱國利州摠管  
武陽郡公豆盧讚寧子讚未生時寧養弟永恩子勳爲子子勳及

卒而勳嗣爵讚以父勳建德初賜爵華陽縣侯進今封累遷開府儀同大將軍

沃野縣敬公豆盧永恩寧弟初隨寧歸文帝以迎魏孝武功封新興縣伯邑五百戶屢從征討皆有功魏恭帝元年進爵龍來縣侯

閔帝受禪進今封增邑一千戶保定二年出為隴右長史寧以佐

命元勳封楚公請以先封益沃野之封許之又增邑并前四千五

百戶尋卒贈少保子通弘厚有器局少以父功賜爵臨貞縣侯改

嗣父爵加開府以破尉廻功進位大將軍隋開皇初進爵南陳郡

公十七年卒謚安

許國

穆公宇文貴其先昌黎大棘人徙居夏州父莫豆千貴少從師

受學嘗輟書歎曰男兒當提劍汗馬以取公侯正光末破六汗拔陵

圍夏州貴從刺史源子邕擊破之除武騎常侍又從余朱榮平葛榮

加別將又從元天穆平邢杲轉都督又從余朱榮平元顥封革融縣

侯邑一千戶從魏孝武西遷進爵化政郡公貴善騎射有將率才文

帝又以室室甚親委之以授潁川平岷州功進位侍儀同閔帝受禪

拜柱國武成初與賀蘭祥討吐谷谷渾軍還進今封邑萬戶舊爵廻

封一子歷遷太保大司徒天和二年卒贈太傅子善嗣大象末歷位

上柱國大宗伯

英國公宇文忻善弟幼而敏慧年十二能左右馳射年十八從齊

王憲討突厥有功賜爵興固縣公從帝孝寬鎮玉壁屢有戰功進

爵化政郡公邑二千戶從武帝平齊進位柱國大將軍隋文為相

以平尉廻功進今封後改封杞國公

安平郡公宇文愷弟以功臣子三歲賜爵雙泉伯七歲進封安平縣公邑二千戶歷位上開府中大夫隋時進封郡公

隋國桓公楊忠弘農華陰人高祖元壽魏初為武川鎮司馬因家于神武樹頹焉祖烈太原郡守父楨以軍功除將軍討鮮于修禮戰沒忠狀貌偉武藝絕倫識量沉深有將帥之畧年十八客遊泰山為梁兵所執在梁五年從魏北海王顥入洛顥敗尔朱度律召為統軍從尔朱兆入洛賜爵昌縣伯又別封小黄縣伯從獨狐信破梁下澧戍平南陽並有功從魏孝武西遷進爵為侯仍從平潼關破回洛城尋與信東伐俱為東魏所敗奔梁大統三年北歸文帝召居帳下從擒竇泰破沙苑進爵襄城縣公河橋印山之戰力戰有功加侍中十六年攻梁隨郡克之進爵陳留郡公十七年又攻梁邵陵王綸禽殺之間歲再舉盡定漢東之地魏恭帝初賜姓普六如氏愍帝受禪拜小宗伯歷進柱國大將軍武成元年進今封邑萬戶別食竟陵縣一千戶收其租賦保定二年遷大司空天和三年卒贈太保堅嗣

陳留郡公楊整忠弟建德中開府封從武帝平齊没于并州子智積以父死王事嗣爵

竟陵縣公楊惠整弟大象末官至太宗伯封

興城郡公楊嵩惠弟以忠勳賜爵

周郡公楊達嵩弟同前

庸國忠公王雄太原人父崙以子貴贈少傅雄儀貌偉魁少有謀畧永安中從賀拔岳入關除將軍魏孝武西遷封臨貞縣伯邑五百戶大統初進爵為公增邑二百戶增

邑通前一千九百戶閔帝受禪授少傅增邑二千戶進位柱國大將軍武成初進今封邑萬戶出爲徑州總管保定四年卒贈太保子謙嗣歷上柱管益州總管隋文執政謙舉兵欲討之軍敗被誅

蜀國公尉遲廻代人其先魏之別種號尉遲部因而姓焉父侯纘性弘裕有鑒識娶文帝姊生廻及綱廻少聰敏美容儀及長有大志好施愛士稍遷丞相帳內都督尚魏文帝女拜駙馬都尉從文帝復弘農破沙苑皆有功拜大將軍魏廢帝二年梁武陵王紀稱帝於蜀率師東下廻督諸軍伐之紀子等皆詣軍降廻以平蜀功封一子爲公文帝徵廻入朝閔帝受禪進位柱國大將軍又以廻有平蜀之功同霍去病冠軍之義封寧蜀公尋進今封邑萬戶宣帝嗣位出爲相州總管宣帝殂楊堅執政廻舉兵討之兵敗自殺

吳國武公尉遲綱廻弟少孤與兄廻託舅氏常從文帝征伐出入臥內後以迎魏孝武功拜將軍大統元年從討破曹泥又從破竇泰以功封廣宗縣伯邑五百戶仍從復弘農克河北郡戰沙苑皆有功累增邑八百戶進爵爲公從戰印山有翊衛功進爵昌平郡公魏廢帝二年拜大將軍預謀廢立爲中領軍閔帝受禪綱以親戚掌禁兵又與晉公護廢帝明帝嗣位進位柱國大將軍武成元年進今封邑萬戶保定元年拜少傅大司空出爲陝州總管天和二年以政績增邑四百戶徵還京師三年追論河橋之功封一子縣公邑一千戶五年卒贈太保弟三子安以嫡嗣大象末位至柱國

盧國中公尉遲運綱之子少彊濟志在立功魏大統十六年以父勲封安喜縣侯邑千戶明帝初以預定策勲進爵周城縣公贈邑

五百戶保定三年從楊忠攻齊之并州以功別封第二子端保城縣侯邑千戶天和六年以攻拔齊伏龍城進爵廣業郡公增邑八百戶建德二年衛刺王之亂運拒破之拜大將軍五年以預平齊功進今封邑五千戶宣帝嗣位遷上柱國出爲河州總管大象元年以夏卒謚曰中子靖嗣大象末儀同大將軍

鄧國恭公竇熾扶風平陵人漢大鴻臚章十一世孫童子統靈帝時爲鴈門太守避竇武之難亡奔匈奴遂爲部落大人後魏南徒子孫因家於代賜姓紇豆陵氏累世仕魏皆至大官父畧平遠將軍熾性嚴明有謀畧美鬚髯善騎射少受毛詩左氏春秋畧通大義魏正光末北方擾亂熾乃隨父避地定州因没于葛榮尔朱榮破葛榮熾乃將家隨榮于并州從討韓婁手斬之以功拜將軍孝武時隨樊子鴟追尔朱仲遠取譙城封行唐縣子邑五百戶尋進爵上洛縣伯邑千戶從魏孝武西遷大統初以功封真定縣公從擒竇泰復弘農破沙苑皆有功增邑八百戶邛山之戰拒退東軍又從李弼討破稽胡加侍中增邑通前三千六百戶改封武安縣公魏恭帝元年進爵廣武郡公閔帝受禪增邑二千戶武成二年拜柱國大將軍保定元年進今封邑萬戶別食資陽縣一千戶收其租賦天和五年拜太傅從平齊進位上柱國宣政元年兼雍州牧大象初改食樂陵縣邑戶如舊楊堅爲相國百官皆勸進熾自以累代受恩不肯署牋時人高其節隋開皇四年卒年七十八子茂嗣

贊國公竇恭熾第二子初以父勲賜爵武當公歷位大將軍從武帝平齊進今封除西兖州刺史以罪賜死



永富縣忠公實善熾兄以中軍大都督從魏孝武西遷後仕至驃騎大將軍開府儀同三司封卒子榮定初賜爵宜君縣侯邑三百戶後嗣父爵邑千戶隋初進封安康郡公

神武郡肅公實毅熾兄岳之子岳早卒毅深沉有器度魏孝武初起家為員外散騎常侍郎及孝武西遷遂從入關封奉高縣子邑六百戶從擒竇泰復弘農戰沙苑皆有功進爵為侯增邑千戶魏廢帝二年進爵安武縣公增邑一千四百戶魏恭帝元年改封永安縣公閔帝受禪進今封增邑通前五千戶保定三年拜大將軍以使突厥迎后歸朝功別封成都縣公邑千戶進位上柱國大司馬隋開皇初拜定州總管二年卒謚肅子賢嗣除遷州刺史其女為唐太穆皇后

鄭國襄公肅孝寬京兆杜陵人世為三輔著姓祖直喜魏扶風郡守父旭南幽州刺史贈司空謚文惠孝寬治敏和正涉獵經史蕭寶夔之亂孝寬弱冠詣闕請為軍前驅即拜統軍隨長孫承業西征累功賜爵山伯縣男孝武初以都督鎮襄城文帝自原州赴雍州命孝寬隨軍及克潼關即授弘農郡守從擒竇泰破潁川襲東魏將段琛擒之遂取宜陽大統三年進爵為侯移鎮玉璧以拒破東魏兵進爵建忠郡公魏恭帝元年從于謹平江陵功別封穰縣公還鎮玉璧閔帝受禪拜小司徒天和二年進今封增邑通前一萬戶敵策伐齊武帝遂大舉平齊如孝寬策拜大司空進位上柱國大象元年出為徐州總管攻拔壽陽遂平淮南以功別封一子滑國公楊堅執政尉遲迥舉兵孝寬擊殺之悉平關東還至京師卒年七十二贈太傅子壽隋

初進封滑國公

宿國公辛威隴西人祖大汗魏渭州刺史父生河州大都督威少慷  
 慨有志畧初從賀拔岳征討有功拜都督及文帝統岳之衆見威竒  
 之引爲帳內封白土縣伯邑五百戶從迎魏孝武因攻回洛城功居  
 最大統元年進爵爲侯累增邑五百戶從擒寶泰復弘農戰沙苑俱  
 有功從于謹破襄城又從獨孤信入洛陽經河橋陣進爵爲公增邑  
 八百戶閔帝受禪拜大將軍進爵抱罕郡公增邑五千戶宣政元年  
 進位少傅上柱國大象二年進今封增邑并前五千戶其年冬卒年  
 六十九子永達嗣大象末拜儀同大將軍

涼國景公賀蘭祥其先與魏俱起有紇伏者爲賀蘭莫弗何因以爲  
 氏其後有以良家子鎮武川者遂家焉父初真少知名取文帝姊生  
 祥年十一而孤長于舅氏特爲文帝所愛祥少有膽氣志在立功解  
 褐奉朝請歷都督從平侯莫陳悅又迎魏孝武以功封撫夷縣伯邑  
 五百戶仍從破潼關拔同洛城進爵爲公增邑并前一千三百戶沙  
 苑之役祥以留守功增邑八百戶大統十四年進爵博陵郡公十六  
 年拜大將軍閔帝受禪進位柱國大司馬與晉公護謀廢帝立明帝  
 武成初以破吐谷渾平涼州功進今封邑萬戶保定四年卒贈太師  
 謚景子敬以隆化縣侯嗣涼公爵位至柱國大將軍

河東郡公賀蘭讓敬弟官至大將軍鄜州刺史封

宜陽縣公賀蘭察讓弟官至開府儀同封

夔國公周搖其先與後魏同源初爲普乃氏徙洛陽改爲周氏曾祖  
 拔拔祖右六肱俱爲北平王父恕延歷行臺僕射南荊州總管搖性

剛果有武藝性謹厚動遵法度仕魏至開府儀同閣帝受禪賜性車  
非氏封金水郡公歷鳳楚二州刺史從武帝平齊超拜柱國進今封  
授晉州總管隋初復性周氏改封濟北公拜幽州總管卒年八十四  
謚共

鄆國公長孫儉河南洛陽人魏技族北平王長孫嵩之五世孫也儉  
少方正有操行孝昌中起家員外散騎侍郎從尔朱天光破隴右文  
帝鎮夏州以儉為錄事賀拔岳遇害文帝赴平涼儉參謀預策從平  
侯莫陳悅招降西夏州授荊州刺史鎮南鄭密陳伐梁之謀卒平江  
陵令儉鎮焉進爵昌寧公大統三年以疾還京為夏州總管卒追贈  
今封

上黨縣公長孫紹遠儉從子魏上黨王稚之子也紹遠性寬容有  
大度雅好墳籍聰慧過人孝武初累遷司徒右長史隨父從孝武  
西遷拜錄尚書事六官建為大司樂閣帝受禪封

薛國公長孫覽紹遠子性弘雅有器量畧涉書記猶曉鍾律大統  
中起家東宮親信周武帝在藩與覽親善及嗣位超拜車騎大將  
軍及誅與文護以功進今封從平齊進位柱國宣帝時進位上柱  
國大司徒出為宣州刺史隋開皇二年轉涇州刺史所在並有政  
績卒子洪嗣歷北平太守

義門公長孫澄紹遠弟年十四從戎勇冠諸將及長容兒魁岸風  
儀溫雅魏孝武初除渭州刺史後從文帝援玉璧又從戰印山進  
位開府閣帝受禪拜大將軍封為玉璧總管卒

鄂國威公王傑金城直城人高祖萬國魏燕州刺史父巢榆中鎮將

傑少有壯志善騎射魏孝武初起家子都督後從西遷賜爵都昌縣子文帝奇其才擢羽林監復潼關破沙苑爭河橋戰印山皆以勇敢聞親待日隆賜姓宇文氏進爵爲公邑八百戶魏恭帝元年從于謹平江陵加侍中閔帝受禪進爵張掖郡公增邑千戶保定三年進位大將軍從揚忠伐齊還增邑通前三千六百戶宣帝嗣位拜上柱國大象元年卒年六十五追贈今封

河西郡桓公李賢其先隴西成紀人自云漢騎都尉陵之後也陵沒匈奴子孫居隴西曾祖富魏太武時以子都督討屠各戰沒贈隴西郡守祖斌嗣領父兵鎮高平因家焉父文保早卒賢幼有志節從師受業畧觀大旨而已魏永安中万候醜奴反尔朱天光討破之其黨万候道洛據原州賢給走之固守原州累遷高平令賀拔岳爲侯莫陳悅所害文帝西伐賢與弟遠穆等密應侯莫陳崇仍守原州文帝至秦州悅棄城走文帝今賢追之悅死賢從魏孝武西遷以功封下邳縣公邑千戶還鎮原州大統十二年隨獨孤信平涼州加開府魏恭帝元年進今封增邑通前二千戶後以弟子植被誅賢坐除名保定二年復爵仍授瓜州刺史遷河州總管徵拜大將軍天和四年三月卒年六十八子端嗣歷中州刺史從武帝平齊戰沒追封襄陽公謚果

隴西郡公李詢賢子深沉有大畧頗涉書記起家納言上士屢以軍功歷位大將軍賜爵高平郡公隋文爲丞相詢從帝孝寬平尉廻于相州進位上柱國改今封開皇二年拜隰州總管卒謚襄子元方嗣

廣宗郡公李崇詢弟英果有籌筭膽力過人周元年以父賢勲封  
迴樂縣侯時年尚小拜爵之日族相賀崇獨泣下賢怪而問親對  
曰無勲于國而幼少封侯當報主恩不得終于孝養是以悲耳賢  
由此奇之起家州主簿辭不就求為將兵都督隨文宇護伐齊  
以功最擢授儀同三司武帝平齊引參謀議以勲加授開府封襄  
陽縣公邑千戶尋改封廣宗縣公隋文為丞相加授上開府尋為  
懷州刺史進今封加邑至二千戶尉迴反遣使招之崇初欲應之  
後知叔父穆以并州附隋文其兄詢每諷諭之由是亦歸心焉及  
平尉迴進位上柱國開皇中為幽州總管與突厥戰沒杜子敏嗣  
陽平縣忠公李遠賢弟幼有器局志度恢然及長涉獵書傳畧知旨  
趣而已初與兄賢從余朱天光西伐除長城郡守原州大中正後以  
應侯莫陳崇功遷高平郡太守文帝見遠與語悅之令居麾下甚見  
親遇及魏孝武西遷封安定縣伯邑五百戶魏文帝元年進爵為公  
增邑千戶從擒竇泰復弘農並有殊勲授原州刺史沙遠之沒遠功  
居最進爵陽平縣公邑三千戶文帝又以第十一子達令遠子之其  
親待如此又以遠議定立閔帝及閔帝受禪進位柱國大將軍邑千  
戶復鎮弘農時晉公護執政遠子植謀誅之事泄出為梁州刺史尋  
而護廢帝召植及遠入朝殺之及護誅乃復官爵隋初追贈黎國公  
敦煌郡孝公李基遠幼子幼有聲譽美容儀善談論文帝召見奇  
之乃妻以女後以父勲封建安縣公邑千戶尋進爵清河郡公魏  
恭帝元年改今封尋拜陽平國世子閔帝受禪出為海州刺史兄  
植被誅諸弟皆死基以尚主故又為季父穆所請得免保定元年

卒宣政初贈本爵謚孝子威嗣又改嗣祖爵大象末位至柱國隋  
開皇初進位上柱國封黎國公

申國明公李穆賢弟風神警俊倜儻有奇節文帝入關便委質釋褐  
統軍承熙末奉迎魏孝武授都督封永平縣子邑三百戶擒竇泰復  
弘農並有戰功進爵為伯邛山之敗文帝墮馬穆授以從騎免進爵  
武安郡公增邑一千七百戶從于謹平江陵封一子長城縣侯邑千  
戶遷雍州刺史閔帝受禪增邑通前三千七百戶又別封一子為升  
遷縣伯穆以讓兄子孝軌許之坐植誅除名為民明帝嗣位復爵安  
武郡公武成二年進位柱國大將軍別封一子郡公天和二年進今  
封邑五千戶舊爵迴授一子建德元年拜太保出為并州總管進位  
上柱國大象初加邑至九千戶拜太傅 大左輔尉遲迴舉兵相州  
穆子欲應之穆不聽潛附隋文又密表勸進隨文受禪拜太師封其  
諸子皆為公開皇六年卒年七十七子渾嗣

安樂郡公李惇穆長子大統四年以穆功賜爵安平縣侯尋進爵  
為公又進今封天和三年歷車騎大將軍鳳州刺史卒

廣平郡武昭公梁禦其先安定人後因官北邊遂家于武川改姓為  
紇豆陵氏高祖侯力提從魏道武征討封定陽侯禦少好學及長更  
好弓馬余朱天光引為都將從平關右封白水縣伯邑三百戶後從  
賀拔岳鎮長安及岳遇害禦與渚將翊戴文帝從平秦隴拜雍州刺  
史大統元年進爵信都縣公邑千戶從復弘農破沙苑進今封增邑  
一千五百戶四年卒贈太尉

蔣國公梁睿御子七歲嗣爵廣平郡公邑五百戶魏恭帝時改封

五龍郡公閔帝受禪徵為御伯未幾出鎮新安以拒齊師功拜大將軍進今封

上柱國

長樂郡武烈公若干惠代郡武川人其先與魏氏俱起以國為姓父樹利周從征葛榮戰沒贈冀州刺史惠年弱冠從余朱榮征伐定河北破元顥以功拜將軍復以別將從賀拔岳平定關隴封北平縣男邑三百戶岳遇害翊戴文帝從魏孝武西遷進爵魏昌縣伯邑五百戶大統初進爵為公增邑五百戶從擒竇泰復弘農破沙死進今封增邑通前二千二百戶十二年遷司空拜秦州刺史鎮魯陽卒

徐國公若干鳳惠子少沉深有大度末嗣爵長樂公尚文帝女歷洛州刺史保定四年追錄佐命之功封增邑并前五千戶

樂陵郡襄威公怡峯遼西人本姓默台因避難改焉高祖寬燕遼西郡守魏道武時率戶歸朝賜爵長馳公會祖文興州刺史峯少從征役以驍勇聞永安中為都將從賀拔岳討万俟醜奴以功賜爵蒲陰縣男岳遇害翊戴文帝進爵為伯遂平原州迎魏孝武入關從拔回洛復潼關討曹泥有功進爵華陽縣公邑千戶大統二年從破竇泰復弘農破沙死進今封拜夏州刺史十五年卒

鄭國公怡昂峯子官至開府儀同三司後以追錄峯功進封

龍河縣公怡光昂弟少以父勲賜爵安平縣侯起家員外散騎常侍累遷三州刺史加開府儀同進今封

長廣郡襄公劉亮中山人祖祐連魏蔚州刺史父持直鎮遠將軍領民酋長亮少倜儻有縱橫計畧姿貌魁傑見者憚之普泰初以都督



從賀拔岳平關中諸賊以功封廣興縣子邑五百戶岳遇害翊戴文帝遂下幽州從魏孝武西遷大統元年以復潼關功改封饒陽縣伯邑五百戶從擒竇泰復弘農破沙苑進今封邑通前二千戶賜姓侯莫陳氏十年出為東雍州刺史十三年卒贈太尉

彭國公劉昶亮子尚文帝女大象中位至柱國秦靈二州總管以亮功封邑五千戶

饒陽伯劉恭昶弟位至開府儀同三司封

褒中侯劉幹恭弟位至上儀同封

鴈門郡公田弘高平人少慷慨立功名敢勇有謀畧魏永安中陷于万侯醜奴尔朱天光入關弘自原州歸降授都督及文帝統眾弘求謂見深被引納又以迎魏孝武功封鵝陰縣子邑五百戶大統二年

進爵為公從復弘農戰沙苑解洛陽圍破河橋陣弘功居多賜姓紇

干氏閔帝受禪進今封邑通前二千七百戶天和二年屢以戰功增

邑五百戶進位柱國大將軍建德二年拜大司空遷少保三年出為

襄州總管卒

觀國公田恭弘子性寬仁有局度以明經為掌式中士後以父功

賜爵鵝陰子太宰宇文護引為兵曹從護征伐數有戰功受封襄

武縣公邑五百戶從武帝平齊進封浙陽郡公增邑二千戶宣帝

時進爵鴈門郡公隋文為相以從掌孝寬破尉迴功進位柱國大

將軍隋初拜上柱國進今封

京兆郡武公寇洛上谷昌平人累世為將吏父延壽和平中以良家

子鎮武川因家焉洛性明辨不拘小節正光末避地并肆固從尔朱



榮征討及賀拔岳西征洛與之鄉里乃募從入關破赤水蜀以功拜別將封臨邑縣男邑二百戶又從岳擒万侯醜奴于長坑進爵安鄉縣子累遷右都督岳遇害衆推洛爲盟主洛以非才固辭與趙貴等議迎文帝從平侯莫陳悅迎魏孝武入關進爵臨邑縣伯邑五百戶進位驃騎開府儀同尋進爵爲公增邑五百戶大統初進今封爲東雍州刺史五年卒贈太尉子和嗣明帝二年賜和姓若口引氏改封松陽郡公後至開府儀同

北平公冠紹洛弟位至上柱國封

河間郡獻公王德代郡武川人少善騎射魏永安中從尙朱榮討元顥以功賜爵內官縣子又從賀拔岳平方侯醜奴別封深澤縣男邑二百戶岳遇害翊戴文帝奉迎魏孝武西遷以功進封下博縣伯邑五百戶賜姓烏丸氏大統元年進爵爲公增邑千戶累從征伐有功又從破東軍於沙苑進今封增邑通前二千七百戶歷開府侍中大都督十四年除涇州刺史卒

長樂郡孝定公王盟明帝皇后之兄也其先樂浪人六世祖波前燕太宰祖珍魏黃門侍郎贈樂浪公父罷伏波將軍以良家子鎮武川因家焉魏正光中破六汗拔陵攻陷諸鎮盟入軍中拔陵破後流寓中山孝昌中從蕭寶寅西征寶寅僭號盟遂逃匿民間及尙朱天光入關盟出從之隨賀拔岳爲前鋒擒万侯醜奴平秦隴以功拜平西郡守文帝統岳衆徵盟爲原州刺史魏孝武至長安封魏昌縣公邑千戶大統初魏文帝東征盟爲留後以平趙青雀功進今封增邑并前二千戶賜姓拓王氏九年進位太傅加開府儀三司十一年卒

咸陽郡忠武公王勵盟子性忠果有才幹年十七從文帝入關平秦隴定關中勵常侍從以功賜爵梁甫縣公大統初為都督領禁兵從戰沙苑没于陣年二十六贈太尉追贈今封子弼嗣官至大都督通直散騎常侍

安寧郡公王懋勵弟從父征伐大統初賜爵安平縣子魏文帝東征從父留守錄前後功進爵為公增邑千戶宿衛宮禁十餘年勤恪當官未嘗有過文帝甚嘉之魏廢帝二年進今封增邑并前二千戶魏恭帝二年遷大將軍後拜小司寇卒子悅嗣官至大將軍同州刺史改封濟南郡公

洛邑縣公王顯盟元子幼而敏悟少言初為文帝帳下都督累遷鳳州刺史賜爵

楊國公王誼顯子少慷慨有大志便弓馬博覽羣言閔帝時為中侍上士累遷內史大夫封平陽郡公武帝嗣位進今封從平齊又討汾州稽胡平之別封一子開國公宣帝嗣位憚其剛正出為襄州總管隋初以佐命功改封郢國公

大安郡成公閻慶河南河陰人曾祖善魏雲州鎮將因家于雲州之盛樂郡祖燉煌鎮都大將父進有謀畧勇寇當時正光中衛可孤之亂以守盛樂功拜本郡守慶幼聰敏重然諾風儀端肅望之儼然以隨父守城功拜別將大統三年自儀陽西歸拜前將軍河橋之役以功封安次縣子邑四百戶及印山之戰以功進爵為伯增邑五百戶賜姓大野氏閔帝受禪出為河州刺史進爵石保縣公贈邑千戶以撫納戎夷拜大將軍進今封建德二年抗表致仕許之大象二年

拜上柱國隋開皇二年卒長子常先慶卒次子稚嗣大象末位至大將軍

史臣曰中陽御歷沛邑多封侯白水配天南陽皆貴戚是知階級近屬以取寵榮其來尚矣王盟等始以親黨升朝終以才能進達勤宣運始位列周行實參迹于功臣盖弗由於恩澤也

榮陽公司馬消難河内温人父子如為齊佐命封陽平公消難北豫州刺史齊文宣疑之消難懼禍奔周授大將軍封納女為靜女后尋出為交州總管隋文為丞相消難舉兵附尉遲迥兵敗奔陳拜司空隋公陳平入隋卒

扶風郡公王羆京兆霸城人漢河南尹王遵之後世為州郡著姓羆剛直木彊處物平當州郡敬憚之魏太和中除殿中將軍鎮梁州梁將曹義宗圍荊州羆率其兵拒破之封霸城縣公魏孝武西遷羆以都督鎮華州有威信東軍不敢攻之未幾還鎮河東進今封大統七年卒贈太尉子慶遠為淮州刺史先羆卒

龍門郡莊公王長述慶遠子幼有儀範年八歲文帝見而異之解褐員外散騎侍郎封長安縣伯羆卒嗣爵扶風公邑三千戶改今封從子謹平江陵有功增邑五百戶閔帝受禪又增邑通前四千七百戶歷拜大將軍隋文為相以討王謙功進位柱國上大將軍

開皇初卒子謨嗣

長述傳見隋史而其功封在周故入此章

太原郡公王思政太原祁人容貌魁偉有籌策魏正光中解褐員外散騎侍郎從北海王顥討關右賊時魏孝武在藩素聞其名顥軍還乃引為賓客及嗣帝位委以心膂以預定策功封祁縣侯拜中軍大

將軍總宿衛兵從入長安進今封思政雖被委任自以非相府之舊  
每不自安每輸誠文帝期寄更深河橋之役思政力戰得還遷并州  
刺史鎮玉壁有功加使持節太尉河南大行臺鎮潁川為東魏所陷  
被執入齊為都官尚書

洞城縣公是云寶初為東魏將率眾攻隸川宇文貴擊敗之二寶遂  
降累遷大將軍涼州都督賜爵明帝時與吐谷渾戰沒

范陽郡公盧辯范陽涿人累世儒學父靖太常丞辯少好學舉秀才  
為太學博士從魏孝武西遷授黃門侍郎領著作文帝以辯有儒術  
甚禮之遷太子少傅尚書右僕射賜爵武帝時進位大將軍出為  
州刺史卒

燕郡簡公盧光辯弟性溫謹博覽群書又好玄言孝昌初釋褐參軍  
稍遷員外侍郎及魏孝武西遷光於山東起義遙授留州刺史大統  
六年携家入關文帝甚禮之除丞相濟參軍賜爵范陽縣伯尋改封  
安息縣伯邑五百戶魏廢帝元年累遷侍中開府儀同進爵為侯增  
邑五百戶從賀蘭祥討吐谷渾進今封武成二年以營宗廟功增邑  
四百戶又重論討渾功增邑并前一千九百戶天和二年卒贈少傅  
子賁嗣大象中開府儀同大將軍

華山郡元公楊寬弘農華陰人祖恩魏河間內史父鈞七兵尚書北  
道大行臺恒州刺史懷朔鎮將卒贈司空公追封臨貞縣伯謚恭寬  
少有大志及長頗解屬文尤尚武藝弱冠除奉朝請改授將軍父卒  
寬少城為賊所破北走茹茹後還朝魏孝莊與寬有舊除宗正丞及  
嗣位拜通直散騎侍郎累功封澄城縣伯邑三百戶莊帝遇弒寬奔

梁梁武禮送還朝余宋仲遠以爲吏部尚書孝武初改授黃門侍郎  
專總禁旅從入關進今封邑一千二百戶大統十六年了丞相府司  
馬魏廢帝初歷拜左僕射坐事免魏恭帝二年除廷尉卿明帝初拜  
大將軍增邑一千二百戶從破吐谷渾別封宜陽縣公邑千戶保定  
元年除梁州總管其年卒謚元子紀嗣大象末官至虞部下大夫隋  
文爲丞相改封汾陰縣公以從討王謙功進位上大將軍前後增邑  
三千戶後改封上明郡公仁壽二年遷荊州總管卒

洛川

縣

公楊文思寬長子年十一拜車騎大將軍尋以父功封新

豐縣子邑五百戶屢有討賊功又從武帝攻拔晉州改封永寧縣  
公增邑至千戶後屢以軍功遷果毅右旅下大夫隋文爲相以從  
平尉迥功改今封隋初進爵平正郡公加邑二千戶歷民部尚書  
卒謚定初文思當嗣父爵自以非嫡遂讓封于弟紀當時多之

澄城伯楊穆寬兄魏永安中除華州別駕孝武末寬請以澄城縣

伯讓穆許之歷并州都督卒

夏陽

縣

靖侯楊儉穆弟偉容儀有才行魏正始中起家侍御史加

奉朝請大統初爲東秦州大都督從文帝破沙死封邑八百戶出  
爲華州刺史八年卒謚靜

長湖

郡

公元定河南洛陽人祖比顏魏務州刺史父道鉅鹿郡守定

惇厚少言內沆審而外剛毅永安初從余朱天光討門隴群賊並破  
之際將軍後從文帝討侯莫陳悅以功拜步兵校尉魏孝武西遷封  
高邑縣勇邑二百戶從擊潼關拔回洛城進爵爲伯增邑三百戶從  
擒竇秦復弘農破沙苑戰河橋以前後功增邑三百戶印山之役論

功爲最增邑通前一千戶十五年進爵爲公魏廢帝二年以宗室進封建成郡王二年行周禮爵隨例改今封保定中進位大將軍天和二年統衆伐陳爲陳人所執數月夏病卒子樂嗣

平原郡公元景山魏宗室安定王燮之孫永安王琰之子也景山少  
有器局幹畧過人閔帝時從賀蘭祥擊吐谷渾以功拜撫軍將軍其  
後數從征伐累遷儀同三司賜爵文昌縣公後從武帝平齊每戰有  
功加開府拜大將軍進封宋安郡公改今封邑二千戶宣帝時進位  
柱國隋初拜上柱國爲行軍元帥坐事免卒于家謚襄子成壽嗣

襄中郡公韓果代武川人少驍雄善騎射賀拔岳西征引爲帳內從  
平万侯醜奴以功授子都督從文帝平侯莫陳悅遷都督賜爵邯鄲  
縣男魏孝武入關進封石縣伯邑五百戶大統初進爵爲公增邑  
通前一千戶從復弘農攻拔河南論功爲最破沙苑戰河橋並有功  
增邑九百戶從戰邛山破稽胡錄前後功進今封魏恭帝元年授大  
將軍又以討吐谷渾功別封一子縣公保定三年拜少師進位柱國  
出爲華州刺史建德初卒子明嗣大象末位至上大將軍黎州刺史  
與尉遲迴同謀被誅

懷寧郡莊公蔡佑其先陳留圉人曾祖紹爲夏州鎮將徙居高平因  
家焉祖護魏陳留郡守父襲名著西州正光中万侯醜奴之亂棄家  
歸洛陽孝武西遷又拔難而歸賜爵平舒縣伯除岐夏二州刺史卒  
祐性聰敏有行檢及長便騎射文帝在原州召爲帳下親信密叅謀  
議從平侯莫陳悅又從迎魏孝武功封萇鄉縣伯邑五百戶大統初  
進爵爲侯增邑一千二百戶從擒竇泰復弘農戰沙苑皆有功又從

戰河橋力戰却敵以功進爵為公增邑三百戶從戰印山加侍中賜  
姓大利稽氏進今封魏恭帝三年又以平蠻功拜大將軍錄前後功  
增邑并前四千戶別封一子縣伯閔帝受禪拜少保武帝嗣位出鎮  
原州卒子正嗣官使至持節車騎大將軍儀同三司

安彌男蔡澤祐弟頗好學有幹能起家參軍歷宣威將軍從尉遲  
迴平蜀賜爵累遷儀同三司澧州刺史不從司馬消難遇害

永安郡公常善高陽人世為豪族父安成魏正光末破六汗拔陵反  
欲逼安成不從乃率眾討之以功授伏波將軍尋戰沒善從余朱榮  
入洛封房城縣男邑三百戶後從文帝平侯莫陳悅魏孝武西遷進  
爵武始縣伯增邑二百戶大統初進爵為侯擒竇泰復弘農戰沙苑  
累有戰功四年從戰河橋進爵為公魏恭帝二年進今封增邑二千

戶閔帝受禪拜大將軍小司徒五年夏卒子昇和嗣先以善勳拜儀  
同三司

方城郡公庫狄昌神武人少便騎射及長進止閑雅年十八余朱天  
光引為幢主從定關中以功拜將軍天光敗又從賀拔岳征討岳遇  
害翊戴文帝賜爵陰盤縣子從迎魏孝武復潼關改封長子縣子邑  
八百戶大統初進爵為公增邑千戶從破竇泰復弘農戰沙苑皆先  
登陷陣四年從戰河橋後與于謹破胡賊劉平于上郡十三年錄前  
後功授都督又從楊忠破蠻賊功為最增邑三百戶魏廢帝元年進  
今封增邑并前四千一百戶閔帝受禪拜大將軍後以疾卒

清陵郡烈公梁椿代人祖屈朱魏昌平鎮將父提內正郎椿初以統  
軍從余朱榮入洛復從榮破葛榮功授都將後從賀拔岳討平万侯

醜奴蕭寶寅等遷子都督普泰初封盧奴縣男除高平郡守大昌元年從文帝平侯陳悅進授都督大統初進爵欒城縣伯增邑五百戶尋進爵為公增邑五百戶從復弘農戰沙苑與獨孤信入洛陽從宇文貴破東魏又從戰河橋累有戰功進爵東平郡公又從平稽胡破梁州援潁川以功增邑四百戶閔帝受禪改今封增邑通前三千七百戶累遷少傅保定元年拜大將軍卒子明魏恭帝三年以椿功賜爵豐陽縣公保定五年詔嗣椿爵天和中改封樂陵郡公除上州刺史增邑并前四千三百戶

安政郡烈公史寧建康袁氏人曾祖豫仕沮渠氏為臨松令魏平涼州祖灌隨例遷于撫寧鎮因家焉杜洛周反遵率鄉里二千家奔恒州恒州陷復歸洛陽拜樓煩郡守寧少以軍功拜別將後從賀拔勝破荊州封武平縣伯邑五百戶魏孝武西遷高歡入洛寧從勝奔梁大統二年西歸進爵為侯增邑三百戶取東義州平涼州遷涼州大都督十五年加侍中進爵為公與宇文貴討平宕昌叛羗移鎮河陽魏廢帝元年進今封拜大將軍閔帝受禪拜小司徒出為荊州刺史保定三年卒子雄嗣尚文帝女歷開府儀同大馭中大夫鎮金城卒年二十四

武遂縣公史祥雄弟以父勲賜爵

武平縣公史雲祥弟亦以父勲賜爵歷位儀同大將軍

武當縣公史威雲弟亦以父勲賜爵

新陽郡公王勇代武川人少雄健有膽決膂力過人魏永安中以應募討万侯醜奴有功授將軍又數從侯莫陳悅賀拔岳征討功居多



拜別將文帝為丞相引為帳內都督封包信縣子邑三百戶大統初  
增邑四百戶進爵為侯從擒竇泰復弘農戰沙苑文帝歎其勇敢進  
爵為公邑一千五百戶屢以軍功歷拜開府儀同魏恭帝元年以破  
茹茹功進今封增邑通前二千戶仍賜姓庫汗氏別封永固縣伯邑  
五百戶勇請封其兄子元興時人義之尋進位大將軍武帝初卒子  
昌嗣官至大將軍

忠成郡公宇文盛代人曾祖伊與敦長壽父文孤並為沃野鎮軍王  
盛志力驍雄初為文帝帳內從破侯莫陳悅封漁陽縣子三百戶大  
統三年從擒竇泰復弘農破沙苑進爵為公累增邑一千一百戶又  
以告趙貴謀進今封除涇州總管從賀蘭祥平洮陽別封一子其棠  
縣公天和五年入為大宗伯歷少師帝宣初拜上柱國增邑通前四  
千六百戶大象中卒子述嗣大象末上柱國

安義縣公宇文丘盛弟起家奉朝請都督賜爵臨邑縣子預告趙  
貴謀進爵安義縣侯邑千戶尋進爵為公累遷涼州刺史柱國大  
將軍建德元年卒子隴嗣

肥城郡節公侯植上谷人燕散騎常侍龕之八世孫高祖恕魏北地  
郡守子孫因家于北地之三水遂為州郡冠族父欣秦州刺史奉義  
縣公植少倜儻有大節容貌奇偉武藝絕倫正光中起家奉朝請後  
從賀拔岳討万俟醜奴有功除義州刺史大統二年授都督賜姓侯  
伏侯氏從文帝破沙苑戰河橋又從獨孤信平涼州封淝城縣公邑  
千戶又賜姓賀屯魏恭帝元年從于謹平江陵別封一子沂源縣伯  
閔帝受禪進爵郡公增邑通前二千戶進位驃騎大將軍開府儀為

晉公護所忌以憂卒謚節子定嗣位至車騎大將軍

武平公侯萬壽植子賜爵

綏德郡公陸通吳郡人曾祖載從宋文帝平關中留鎮之後沒于夏

魏大武平夏載歸魏任中山郡守父政為原州長史賜爵中都縣伯

通少敦敏好學有志幼從父河西遇難相失通乃自拔東歸從余朱

氏及余朱氏滅乃入關文帝鎮夏州引為帳內督雖處機密愈自恭

謹後以迎孝武功封都昌縣伯大統元年進爵為侯從禽寶泰復弘

農戰沙苑有功又從解洛陽圍還平趙青雀錄前後功進爵為公九

年以戰印山劫賜姓步六孤氏進今封建德元年累遷大司馬其年

卒

中都縣公陸逞通弟少謹密早有名譽通先以軍功別封乃讓父爵

以逞嗣之起家羽林監文帝內親信惟逞文雅由此加禮遇馬歷遷

軍司馬逞幹識詳明所在著績進爵為公天和四年出為河州刺史

徵拜太子太保卒贈大將軍子操嗣

武德郡公柳敏河東解縣人晉太常純之七世孫也父懿親汾州刺

史敏九歲而孤事母以孝性好學涉獵經史未弱冠起家員外散騎

侍郎累遷河東郡丞及文帝復河東見而器異之拜相府參軍遷禮

部郎中賜姓宇文氏閔帝受禪進爵為公武帝平齊進今封隋開皇

元年進位上大將軍太子太保卒

文成郡公柳昂敏少子聰穎有器識幹局過人武帝時為內史中

大夫賜爵昂竭誠獻替謙虛自處宣帝時受遺輔政為帝所疎隋

文為丞相深自結納拜大宗伯隋受禪加上開府為潞州刺史卒

子調嗣

平齊縣景公柳慶解人五世祖恭仕後趙為河東郡守後以秦趙喪亂乃率民南徙居于汝潁之間故世仕江表祖縉宋安郡守父僧習齊奉朝請後從裴叔業歸魏歷揚州大中正慶幼聰敏有器量博涉羣書不治章句起家奉朝請歷散騎侍郎魏孝武西遷慶至高平見文帝共論時事乃迎孝武入都長安大統十二年授計部郎中十三年封清河縣男邑二百戶尋進爵為子增邑三百戶魏恭帝時歷拜右僕射閔帝受禪賜姓宇文氏進今封增邑一千五百戶保定三年又以宜州刺史入為司會慶自為郎迄于司會府庫倉儲並其職也天和元年卒謚景子機嗣歷華州刺史入隋進爵建安郡公

康城縣愷公柳帝帝慶兄篤之子深沉有大度少好學美風儀初為洛州主簿後與諸父歸朝文帝辟為參軍魏廢帝時為解縣汾陰令百姓畏而懷之明帝初入為地官上士累遷大都督天和六年封康城縣男邑五百戶後從武帝平齊以功拜上開府儀同大將軍進爵為公增邑千戶建德六年卒子祚嗣大宣末宣納上士

美陽男柳蚪慶兄少好學博涉子史雅好屬文孝昌中舉秀才為府主簿尋棄官還洛陽退耕陽城大統三年獨孤信鎮洛陽徵為行臺郎中後使見文帝因留為相府記室追論歸朝功封邑二百戶累遷秘書監車騎大將軍魏恭帝元年卒謚孝子鴻漸嗣

萬年子柳檜虬次弟性剛簡任氣少文善騎射年十八起家奉朝請歷都督大統四年從文帝戰河橋有功拜涅河郡守吐谷渾入寇檜擊走之以功封邑三百戶鎮九曲為賊所陷死之子斌嗣歷

齊公府記室早卒

安豐郡定公庫狄峙其先遼東人本姓段氏匹磾之後也因避難改焉後徙居代世為豪右祖凌武威郡守父貞上洛郡守峙少以弘厚知名善騎射有謀畧仕魏為高陽郡守孝武西遷峙棄官從入關大統元年拜中書舍人參掌機密以恭謹見稱以使蠕蠕結和親封高邑縣公邑八百戶尋增邑三百戶恭帝元年又以使突厥錄前後功拜大將軍進今封邑通前二千戶天和三年歷位少師五年卒謚定子凝嗣歷開府蔡州刺史卒子授嗣

浮陽郡成公趙剛河南洛陽人曾祖蔚魏并州刺史祖寧高平太守父和寧遠將軍剛少機辯有幹能起家奉朝請累遷閣內都督魏孝武將圖高歡剛密奉旨召東荊州馮景昭率兵赴闕未及發而高歡入洛孝武西遷剛與景昭定策西歸大統初剛見文帝于霸上文帝嘉之封陽邑縣子邑三百戶尋論復東荊州功進爵臨汝縣伯邑五百戶是年又以使梁彌吉進爵武城縣侯從復弘農拜大都督保穎川破侯景進爵為公增邑二百戶平漕州賊鄭五醜進破鐵忽加開府儀同閔帝受禪進今封出為利州總管踰年卒子元卿嗣

襄城郡肅公鄭偉滎陽開封人魏將作大匠渾之十一世孫祖思明魏直閣將軍父先護魏尚書右僕射平昌公偉少倜儻有大志每以功名自許善騎射膽力過人初隨父奔梁光護歸為余朱仲遠所害余朱氏滅偉乃自梁歸魏起家通直散騎侍郎及孝武西遷偉亦歸鄉里大統三年獨孤信既復洛陽偉糾合州里建義陳留攻拔梁州率眾西歸文帝美之封武陽縣伯邑六百戶從戰河橋及解王壁圍

常先鋒陷陣應接侯景全軍而還錄前後功進今封邑二千戶魏恭帝二年進位大將軍天和六年出為華州刺史卒贈少傅子大士嗣

魏昌縣伯鄭頂偉族人少有幹用起家員外散騎侍郎與偉同謀起義後隨偉入關賜爵歷衛尉少卿卒

饒陽侯鄭常頂子以立義及累戰功授上開府儀同賜爵

金鄉縣貞子鄭道邕字孝穆滎陽開封人偉從兄同出渾祖敬叔魏

濮陽郡守父瓊范陽郡守孝穆幼而謹厚以清約自居年未弱冠涉

獵經史魏孝昌初解褐太尉參軍屢有戰功遷將軍從元天穆討平

邢杲遷長史魏孝武西遷從入關賜爵永寧縣侯大統五年行岐州

刺史每歲考績為天下最十六年文帝東征除孝穆為右長史封金

鄉縣男邑二百戶拜中書令賜姓宇文氏閔帝受禪進爵為子增邑

通前千戶加驃騎開府儀同歷數州刺史皆有政績保定五年入為

少司空卒子詡嗣歷位納言開府儀同大將軍

沛國公鄭譯道邕子頗有學識兼知鍾律善騎射譯從祖文寬尚

魏公主則文帝元后之妹也主無子文帝令譯後之由是譯少為

文帝所親文寬後生二子譯復歸本生武帝時起家給事中與劉

昉恒侍帝側譯尚公主拜內史中大夫從太子破吐谷渾以功賜

爵開國子邑三百戶後坐褻狎太子除名為民太子嗣位是為宣

帝起內史下大夫封歸昌縣公邑一千戶委以朝政俄遷內史上

大夫進今封邑五千戶宣帝殂譯與劉昉謀以隋文輔政遂為佐

命功臣

歸昌縣公鄭善願譯子宣帝初以父恩賜爵

永安縣男鄭元琮譯子同前賜爵

隴東郡公楊纂廣寧人父安仁魏翔州鎮將纂少習軍旅慷慨有志畧尤工騎射年二十從高歡起信都以軍功遷武州刺史自以功高賞薄乃間行歸文帝卽授大都督封永安縣侯邑八百戶從解洛陽圍經河橋印山之戰纂每先登拜驃騎開府儀同進爵爲公增邑通前千戶賜姓莫胡盧氏閔帝受禪進爵永熙郡公保定元年改今封天和六年進位柱國大將軍轉華州刺史卒子睿嗣位至上柱國漁陽郡公

廣城郡基公段永其先遼西石城人晉幽州刺史匹磾之後也曾祖愧魏黃龍鎮將因徙高陸之河陽焉永幼有志操魏正光末六鎮擾亂永避地中山後赴洛陽拜將軍封沃陽縣伯邑五百戶青州人崔社客反永討平之進爵爲侯魏孝武西遷永時不及從大統初乃結宗人潛謀西歸遂襲斬東魏將慕容顯和傳首長安以功封昌平縣子邑三百戶從擒竇泰復弘農破沙苑並有戰功進爵爲公河橋之役永力戰先登累遷驃騎開府儀同賜爵爾綿氏閔帝受禪進今封保定四年拜大將前後累增凡三千九百戶天和四年授小司寇卒謚基子岌嗣官至儀同兵部下大夫

清河郡公李長壽伊川人父伯扶魏太和末從征懸瓠有功爲汝南郡守長壽性雄毫有武藝少與蠻酋結托屢相召引侵滅關南魏朝因而撫之授防蠻都督以討捕諸賊有功累遷北華州刺史封魏孝武西遷長壽率衆拒東魏遷廣州刺史爲東魏侯景所陷遇害

華山郡公李延孫長壽子亦雄武有將帥才畧少從父征討以勇敢聞賀拔勝表為都督及長壽遇害延孫乃還收集父眾大破東魏兵斬其揚州刺史薛喜拜廣州刺史尋進車騎儀同封大統四年為其長史所害子人傑有祖父風官至開府儀同和州刺史改封潁川郡公

新義郡威公韓雄河南東垣人祖景魏赭陽郡守雄少敢勇膂力絕人善騎射有將帥才略大統初聚眾舉兵洛西為東魏洛州刺史韓賢所敗隨賢還洛謀欲襲之事泄道免謁文帝于弘農封武陽縣侯邑八百戶遣還鄉里更圖進取雄遂取洛州從獨孤信入洛陽又從文帝戰河橋邛山還鎮洛西屢被東魏兵除河南尹進爵為公進驃騎開府儀同閔帝受禪進今封增邑通前三千八百戶賜姓宇文氏為中州都督天和三年卒子禽嗣

許昌郡公陳忻宜陽人少驍勇有氣俠姿貌魁岸魏孝武西遷之後忻于辟惡山聚眾寇掠東魏仍密遣使西附大統元年賜爵霸城縣男從文帝復弘農克新安進爵為子常隨嶠東諸將鎮邊伊洛間每有功效魏恭帝二年進位驃騎開府儀同賜姓尉遲氏閔帝受禪徵忻入朝進爵為伯尋又進今封增邑一千戶武成元年除熊州刺史增邑通前二千六百戶天和元年卒子萬敵嗣

上洛郡公泉企上洛豐陽人世雄商洛魯祖景言魏宜陽郡守世襲本縣令封丹水侯父安志宜陽郡守領本縣令降爵為伯企年九歲喪父服闋嗣爵年十二襲縣令李昌初遷上洛郡守以拒蕭寶夤于潼關別封涇陽縣伯邑五百戶遷東雍州刺史拒破梁師于順陽進

爵為侯魏孝武西遷以企為洛州都督禦東軍于潼關錄前後功授車騎開府儀同大統初進今封增邑通前千戶三年東魏將高昂攻洛州杜窰為之鄉導城陷被執卒于鄴

臨洮縣伯泉元禮少有志氣好弓馬釋褐奉朝請累遷啟州都督賜爵及洛州陷與父俱被執仲禮于路逃歸遂率鄉人斬曹窰傳首長安拜世襲洛州刺史從文帝戰於沙苑為流矢所中遂卒子貞嗣官至儀同三司

上洛郡莊公泉仲遵企次子少謹實涉獵經史年十三州辟主簿十四為本縣令及長有武藝以勇決聞高歡攻洛州仲遵拒戰為流矢中目及城陷以被傷不行後與元禮斬窰以功封豐陽縣男邑五百戶元禮戰沒復以仲遵為洛州刺史遷荊州刺史克梁司

州獲其刺史柳仲禮進驃騎開府儀同歷轉數州皆以清白見稱又以父抗節乃令嗣父爵舊封聽回授一子魏恭帝初拜金州都督武成初卒贈大將軍子恒嗣建德末位至開府儀同大將軍

靜安郡肅公席固其先安定人高祖衡因後秦之亂寓居襄陽仕晉為建威將軍遂為襄陽太守如少有遠志內明敏而外質朴梁大同中為齊興郡守梁元帝嗣位江陵遷興州刺史固以梁室已亂大統十六年舉郡歸附封新豐縣公邑二千戶啟求入朝文帝與之歡讌進今封邑并前三千三百戶拜昌州刺史保定四年卒謚肅子世雅嗣大象末位至大將軍

安樂郡公任果南安人世為方隅豪族仕于江左祖安東梁新巴郡守閬中伯父褒沙州刺史新巴縣公果性勇決志在立功魏廢帝元



年率所部歸附面陳取蜀之策文帝深納之拜沙州刺史南安縣公  
邑千戶從尉遲廻平蜀進今封賜以鐵券聽世相傳襲尋為刺客所  
害年五十六

學海君道部卷之六十五

世系類 六十

列國譜系 四十

後周篇

功臣公侯章 二

樂川 郡公赫連達成樂人夏主勃勃之後也曾祖厓多汗因避難改  
姓杜氏達性剛鯁有膽力少從賀拔岳征討有功拜都將賜爵長廣  
鄉男岳死翊戴文帝魏孝武入關褒叙勳義以達首迎元帥匡復秦  
隴進爵魏昌縣伯邑五百戶從李虎破曹泥增邑並前一千戶從復  
弘農戰沙苑又增邑八百戶復姓赫連氏進爵為公從達奚武攻漢  
中降蕭循進爵藍田縣公保定初歷遷大將軍夏州總管進今封建

德二年進位柱國卒子遷嗣大象中位至大將軍蒲州刺史

郡上庸定公陸騰代人魏東平王侯之玄孫也祖彌夏州刺史父旭

太和中徵拜中書博士稍遷散騎常侍歸隱太行山魏孝莊屬徵不

起騰少慷慨有大節解褐參軍朱榮入洛以為帳內都督從平葛

榮以功賜爵清河縣伯普泰初魏孝武見騰與語悅之擢通直散騎

常侍及孝武西遷騰時使青州遂沒于東魏以為陽城郡守大統九

年文帝克其城獲之拜帳內大都督魏廢帝元年以破安康賊拜龍

州刺史魏恭帝三年進爵上庸縣公邑三千戶又討平陵州木籠獠

及資州鐵山獠與信州蠻蠻悉定巴蜀遷江陵總管天和六年拜柱

國進今封增邑通前三千五百戶建德二年徵拜大司空宣政元年

卒謚定子玄嗣歷丞相府參軍

定陵公陸融玄弟少知名歷顯職大象中位至大將軍封

當亭縣哀公賀若統代人父伏連魏雲州刺史大統初為東魏潁州

長史大統三年執刺史田迅以州降至長安拜右衛將軍賜爵除北

雍州刺史卒贈司空

武都郡烈公賀若敦統子少有氣幹善騎射初與父定謀歸文帝明

年從獨孤信於洛陽信大奇之乃言于文帝引置麾下授都督封安

陵縣伯邑四百戶進爵廣鄉縣侯魏廢帝二年拜儀同進爵為公率

軍討平南涼州進今封增邑通前一千七百戶歷拜金州總管保定

三年從楊忠破齊并州別封一子順義縣公邑千戶五年除中州刺

史鎮函谷坐有怨言晉公護逼令自殺建德初贈大將軍

襄邑縣公賀若弼敦子封當亭縣公後以伐陳功改今封大象末

位至開府儀同大將軍入隋以佐命功封齊公

范陽郡公賀若誼敦弟性剛果有幹略初以功臣子賜爵容城縣

男累遷大都督文帝鎮關中引之左右常使茹茹與之連和拜車

騎大將軍閔帝受禪改封霸城縣子武帝伐齊誼率兵先據洛陽

進封建威縣侯尋以禽高紹義功進位大將軍隋文爲丞相拜亳

州總管以拒司馬消難尉遲迥進今封授上大將軍隋初改封海

陵公卒年七十七子舉嗣

驍爲郡襄公高琳其先高句麗人六世祖欽爲質於慕容廆遂仕于

燕五世祖宗率衆歸魏拜第一領民酋長賜姓羽真氏父遷仕魏咸

亦顯達琳正光初起家衛府都督從元昊將討邢杲破梁將沈慶之

以功轉統軍又從朱天光破萬俟醜奴除都尉魏孝武西遷從入

關拒高歡有功封鉅鹿縣子邑三百戶大統初進爵爲侯增邑四百

戶三年從戰沙苑進爵爲公增邑八百戶從戰河橋却山增邑三百

戶閔帝受禪進今封邑千戶武成初從征吐谷渾功別封一子許昌

縣公邑千戶保定三年遷江陵總管鎮襄州進位柱國大將軍建德

元年卒年七十六子儒以許昌公嗣位至儀同大將軍

德廣郡肅公李和其先隴西狄道人後徙居朔方父僧養以累世雄

豪善于統御爲夏州酋長和少勇敢有識度狀貌魁偉賀拔岳引爲

帳內都督從平關中諸賊以功賜爵思陽公大統初改封永豐縣公

邑千戶賜姓宇文氏保定三年進爵義成郡公尋又改今封天和中

歷延州刺史進位柱國大將軍隋開皇元年遷上柱國二年卒子徽

嗣

南安郡公楊荐秦郡寧夷人父寶昌平郡守荐幼孤早有名譽魏永安中隨尔朱天光入關討羣賊封高邑縣男文帝鎮夏州補帳內都督迎魏孝武至長安進爵清水縣子大統元年使蠕蠕結婚而還進爵爲侯閔帝受禪進爵姚谷縣公保定四年又以使突厥稱旨遷大將軍進今封天和三年遷梁州總管後以疾卒

汲郡明公崔猷博陵安平人漢尚書寔之十二世孫也祖挺魏光州刺史秦昌縣子謚曰景文孝芬左光祿大夫兼吏部尚書猷少好學風度閑雅性鯁正有軍國籌略釋褐員外散騎侍郎普泰初歷司徒從事中郎父爲東魏相高歡所殺遂間行人關謁魏孝武卽以本官奏門下事大統初封平原縣伯邑八百戶文帝東伐猷常以黃門侍郎從軍典文翰與之籌議賜姓宇文氏魏恭帝元年出爲梁州都督遂定梁漢進爵固安縣公邑二千戶建德六年歷拜小司徒加上開府儀同大將軍隋文受禪以猷前代舊齒授大將軍進今封增邑通前三千戶開皇四年卒

文安縣公周惠達章武文安人父信少仕州郡歷三縣令皆以廉能稱惠達幼有志操好讀書美容貌魏齊王蕭寶夤爲瀛州召惠達及馮景同在閣中甚禮之及寶夤僭號用爲光祿勳賀拔岳獲寶夤送洛留惠達爲從事中郎與參謀議岳每征討令惠達居守岳死惠達歸于文帝以爲長史便委任焉魏孝武至長安封文安縣子邑三百戶文帝出鎮華州留惠達知後事進爵爲伯增邑三百戶尋除中書令進爵爲公增邑通前九百戶進位右僕射儀同三司大統十年卒子題嗣隋開皇中以惠達著績前代追封蕭國公


冠軍縣信公楊紹弘農華陰人祖興魏新平郡守父國中散大夫紹少慷慨有志略屢從征伐力戰有功魏永安中授別將普泰初封平鄉男邑一百戶魏孝武初遷衛將軍尋封譚縣伯邑百戶大統元年進爵為公增邑六百戶四年出為鹿城郡守從侯莫陳崇討破稽胡加帥都督十三年錄前後功增邑通前二千二百戶從于謹平江陵進開府儀同進賜姓利氏閔帝受禪進位大將軍保定二年卒

邦國公楊雄信子初嗣父爵大象末位上柱國進今封

廣川縣靖公宇文測文帝之族子也高祖中山曾祖豆頰祖騏驎父永仕魏位並顯達測性沈密少篤學起家奉朝請殿中侍御史尚宣武女拜駙馬都尉及魏孝武疑高歡有異使測詣文帝言令為密備文帝見之甚權使還封廣川縣伯邑五百戶尋從孝武西遷進爵為公文帝為丞相以測為右長史軍國政事多委任之又令測詳定宗室昭穆遠近附于屬籍大統六年拜汾州都督有安邊功十年徵拜太子少保十二年卒子該嗣

安化縣成康公宇文深測弟性鯁正有器局永安初起家秘書郎三年授子都督鎮宿衛兵從魏孝武入關以功賜爵長樂縣伯文帝以深有謀略大統元年乃啟為丞相府主簿轉郎中擒竇泰復弘農克沙苑皆如深所策六年別監李弼軍討白額稽胡並有戰功進爵為侯閔帝受禪歷進驃騎大將軍開府儀同三司武成元年進今封保定初除京兆尹入為司會中大夫天和三年卒

廣陵郡公宇文孝伯深子生與武帝同日文帝甚愛之養于第內及長又與武帝同學武成元年拜宗師上士孝伯性沉正蹇諤好



直言以預誅宇文護授開府儀同三司五年武帝東征令掌留臺  
事軍還以留守功加授大將軍進今封邑三千戶總宿衛兵宣帝  
嗣位以直言賜死年三十六隋初復其官爵子歆嗣

長廣縣公宇文顯和文帝之族子也曾祖晉陵祖求男仕魏並顯達  
父金殿魏兗州刺史安吉縣侯顯和少嗣父爵性矜嚴頗涉經史膂

力絕人魏孝武在藩時常問計于顯和深納之及嗣位擢閣內都督  
封城陽縣公邑五百戶定策入關改今封邑一千五百戶文帝引為

帳內都督進位車騎大將軍魏恭帝元年卒

東平郡公宇文神舉顯和子早歲而孤有夙成之量及長神情倜儻

儀貌魁梧武帝初起家中侍上士保定元年嗣爵長廣縣公邑二千

三百戶天和元年進爵清河郡公增邑千戶以預誅宇文護遷京兆

尹建德三年從平并州改封武德郡公徵進柱國大將軍改今封增

邑通前六千九百戶拜并州總管宣帝嗣位以見忌賜死子同嗣位

至儀同大將軍

汝南郡公宇文慶顯和次子慶深沉有器局少以聰敏見知周初

受業東觀頗涉經史後應募從事以破賊功授都督及誅宇文護

慶有謀焉進驃騎開府從武帝平齊論功居最進位大將軍封邑


千六百戶拜延州總管隋開皇初進上柱國歲餘卒子靜禮尚隋

文帝女授儀同安德縣公邑千五百戶先慶卒子協歷右翊衛將

軍宇文化及之亂遇害此傳在隋

長樂縣公叱列伏龜代郡西部人世為部落大人魏初入附遂世為

第一領民酋長至龜容貌瓌偉兼有武藝嗣父業為酋長魏正光五



年廣陽王深北征請為帳內別將委以兵事孝昌中從長孫稚西征以功授都督遂為高歡寵在及沙苑之敗隨眾歸降文帝以其豪門解縛禮之大統四年封邑千戶自此常從征討屢有戰功增邑通前一千四百戶十七年卒子椿嗣改封永世縣公邑一千二百戶天保初進位大將軍

廣宗縣公李棠勃海蓀人祖伯貴魏宣武時官至魯郡守父元胄員外散騎侍郎棠幼孤好學有志操年十七屬尔朱之亂與司空高昂兄弟舉兵信都太昌中以軍功行東萊郡事及魏孝武西遷棠遂仕東魏及高仲密為北豫州刺史請棠為椽仲密據州遣棠西降文帝嘉之拜衛將軍封邑千戶魏廢帝二年從尉遲迥伐蜀先使渝之為蕭為所害子敬嗣

中都縣公梁臺長池人父去斤魏獻文時為隴西郡守臺少果敢有志操孝昌中從尔朱天光討平關隴以功授子都督賜爵隴城鄉男普泰中進授都督從侯莫陳悅討平南秦州進封隴城縣男邑二百戶天光東還復引入帳內天光敗賀拔岳又引為心膂岳為侯莫陳悅所害臺與諸將議翊戴文帝從討悅破之增邑一百戶從史寧破涼州賊又從于謹破劉平伏錄前後勳授潁州刺史賜姓賀蘭氏從援玉壁戰邙山乘進侍中驃騎開府儀同閔帝受禪進今封增邑通前千戶武成中從征洮陽有功別封綏安縣侯邑千戶聽授其子元慶保定四年拜大將軍五年拜鄜州刺史後以疾卒

南安縣公宇文虬代武州人性驍悍有膽略少從軍征討累有戰功魏永安中除將軍加都督魏孝武初從獨孤信在荊州破梁師功封

南安縣侯邑九百戶孝武西遷虬隨信奔梁大統三年西歸錄前後功增邑四百戶進爵為公擒竇泰復弘農及沙苑河橋之戰皆有功增邑八百戶後又追論前功增邑千戶十七年除金州刺史進位大將軍後以疾卒

平原縣公耿豪鉅鹿人其先避劉石之亂居遼東因仕于燕曾祖超率眾歸魏遂家于神武豪少龐獷有武藝好以氣凌人賀拔岳西征引為帳內岳死歸文帝從平侯莫陳悅及迎魏孝武錄前後功封平原縣子邑三百戶尋進爵為侯增邑七百戶從擒竇泰復弘農先登陷陣沙苑之戰血染甲裳進爵為公增邑通前一千五百戶大統九年從戰却山力戰却敵十三年論前後戰功增邑通前一千八百戶賜姓和稽氏進位侍中驃騎大將軍十六年卒子雄嗣位至大將軍

平陽縣恭公達奚寔河南洛陽人高祖涼州魏征西將軍父顯為武衛將軍寔少修立有幹局起家給事中魏孝武初轉都督鎮弘農後從西遷封臨汾縣伯邑六百戶從擒竇泰復弘農破沙苑皆力戰有功增邑三百戶寔性嚴重文帝甚器之魏廢帝二年進今封保定元年出為文州刺史子豐嗣

博平縣章公申徽魏郡人六世祖鍾為後趙司徒冉閔末鍾子家避地江南曾祖爽仕宋雍州刺史祖隆宋北兖州刺史父明仁郡功曹早卒徽少侍母孝養及長好經史性審慎不妄交遊母卒乃歸于魏元顥入洛以為東徐州主簿顥敗復為太尉府參軍徽以洛陽多難間行入關見文帝文帝與語奇之拜大行臺郎中每事信委之以迎魏孝武功封博平縣子大統初進爵為侯十年以平瓜州功為瓜州



刺史廢帝二年進爵爲公歷拜少保小宗伯天和九年卒子康嗣

同昌縣侯申處康幼弟位至上開府封

臨淄縣方公唐瑾不詳何處人性溫恭有器量博涉經史雅好屬文  
容貌甚偉年十七文帝聞其名乃貽書瑾父永令遣入朝因召拜相  
府參軍軍書羽檄朝章國典瑾並參之徙破沙苑戰河橋並有功封  
姑臧縣子賜姓宇文氏燕公子謹重其學行結爲兄弟進爵臨淄縣  
伯累遷吏部尚書從于謹平江陵以謀略功進爵爲公出爲荊州總  
管入拜司宗中大夫兼內史卒孫大智嗣

河北縣公王悅京兆藍田人少有氣幹爲州里所稱魏永安中朱

天光西討引悅爲參軍除石安令文帝初定關隴悅率募鄉里從軍  
屢有戰功大統元年封藍田縣伯邑六百戶從援洛陽破侯景又從  
達奚武平梁州楊忠平隋郡及于謹平江陵因留鎮之閔帝受禪拜  
驃騎大將軍開府儀同進爵藍田縣侯賜姓宇文氏又進今封保定  
元年卒子康嗣官司邑下大夫

盧奴縣公伊靈代人善騎射爲文帝所知歷金紫光祿大夫隆州刺

史賜爵

安陽縣公伊婁穆靈子弱冠爲文帝內親信以機辨見知授奉朝請  
常侍左右邛山之役力戰有功拜參軍累遷開府儀同賜爵安陽縣  
伯邑五百戶魏廢帝二年以使蜀破賊增邑五百戶閔帝受禪進爵  
爲侯保定初進爵爲公天和二年增邑二千一百戶六年進位大將  
軍建德五年拜小司馬後以疾卒

虞鄉縣公張羨河間鄭人少好學多所通涉仕魏爲將軍從魏武帝

入關累遷銀青光祿大夫文帝引為從事中郎賜姓叱羅氏歷雍州  
刺史儀同三司賜爵虞鄉縣公入為司成中大夫以年老致仕隋開  
皇初卒謚定明好學有父風在魏釋褐奉朝請遷員外侍郎文帝引  
為外兵曹閔帝受禪加前將軍明武時歷冢宰司錄賜爵北平縣子  
邑四百戶宣帝時加儀同進爵為伯隋文為相深自推結及受禪進  
爵為侯後嗣父爵仁壽四年卒

邵陽縣伯陽猛上洛昆陽人世為豪族父斌上庸太守猛正光中万  
俟醜奴作亂關右以猛為大谷鎮將以禦之及元顥之亂范陽王誨  
廣陵王恭先後投猛猛深相保護孝武嗣位甚嘉之拜華山郡守及  
孝武西遷猛率所領移鎮潼關封邑七百戶大統三年卒

魯陽縣懷公陽雄猛子起家奉朝請累遷至都督從于謹破盤豆柵  
復從李遠經沙苑陣並力戰有功封安平縣侯邑八百戶後入洛陽  
戰河橋解玉壁圍迎高仲密援侯景並預有戰功前後增邑四百五  
十戶襲邑陽郡守從賀若敦平荊州之汝陽即以其地置平州以雄  
為刺史進爵玉城縣公增邑通前一千六百戶進位大將軍江陵總  
管改今封宣政元年卒大象初追封魯陽郡公邑三千五百戶謚懷  
雄善附會能自謀身故得保全爵祿子長寬嗣官至儀同大將軍  
清河縣貞公裴俠河東解人祖思齊舉秀才拜議郎父欣西河郡守  
俠幼而聰慧有異常童州辟主簿舉秀才魏正光中解中奉朝請累  
遷東郡太守從魏孝武入關賜爵清河縣伯除丞相府參軍太統三  
年從戰沙苑以功進爵為侯邑八百戶歷郡守刺史清慎奉公為天  
下最聞帝受禪加驃騎大將軍開府儀同進爵為公增邑通前一千

六百戶轉工部中大夫武成元年卒謚貞子祥爲司倉下大夫以毀卒

胡原縣子裴肅祥弟貞亮有才藝天和中舉秀才拜給事中士稍遷御正大夫賜爵

文城郡質公薛端河東汾陰人魏雍州刺史汾陰侯辨之六世孫代

爲河東著姓高祖謹泰州刺史涪陵公會祖洪隆河東太守以隆兄

洪乍尚魏文帝女有賜田在馮翊洪隆子麟駒徙居之遂家于馮翊

之夏陽焉麟駒舉秀才拜中書博士兼主客郎中父英集通直散騎

常侍端少有志操勵精篤學年十七高乾辟爲參軍賜爵汾陰縣男

魏孝武西遷端與宗室等叛東魏固守楊氏辟文帝徵端至長安以

爲相府參軍從擒竇泰復弘農戰沙苑並有功進爵爲伯尋改封文

城縣作大統十六年歷拜吏部尚書賜姓宇文氏進爵爲侯閔帝受

禪進爵爲公增邑通前一千八百戶出爲蔡州刺史卒贈大將軍追

進今封

博平縣繆公薛善河東汾陰人祖胡魏河東郡守父和南青州刺史

善少爲司空府參軍遷秦州別駕大統三年東魏敗于沙苑留善族

兄崇禮守河東文帝遣李弼圍之善密勸崇禮降不從遂引弼軍入

城時預謀者並賞五等爵善以背逆歸順臣子常情豈容闔門大小

俱叨封邑遂與弟慎並固辭不受文帝嘉之以爲汾陰令歷遷從事

中郎以屯田功賜爵龍門縣子進驃騎開府儀同賜爵宇文氏進今

封出爲隆州刺史徵拜少傅卒子襄嗣官至高陽守

淮南縣子薛慎善弟好學能屬文起家相府參軍選爲學師累遷

御正下大夫閔帝受禪進車騎儀同封淮南縣子邑八百戶保定初出為湖州刺史尋入為蕃部中大夫卒

彭陽縣襄公令狐整燉煌人世為西土冠冕曾祖嗣祖詔安並官至

郡守父虬郢州刺史封長城縣子整幼聰敏沈深有識量魏東陽王

元榮辟為主簿魏孝武西遷鄧彥竊據瓜州整密應申徽執彥送長

安文帝嘉之表為都督未幾州人張保又殺刺史據郡以附涼州整

襲擊走之封驤武縣男邑二百戶遂至長安隨軍征討文帝常從容

謂整曰卿遠祖立忠而去卿今立忠而來可謂積善餘慶世濟其美

者也整遠祖漢建威將軍邁不為王莽屈其子稱避地河右故文帝

稱之云尋除驃騎開府儀同加侍中賜姓宇文氏宗人二百餘戶並

列屬籍閔帝受禪進今封天和六年進位大將軍增邑通前二千一

百戶建德二年卒子熙嗣位至吏部中大夫儀同大將軍

冠軍縣質公裴果河東聞喜人祖思賢魏青州刺史父遵齊州刺史

果少慷慨有志略魏大昌初起家前將軍乾河軍主除陽平郡丞文

帝曾使并州與果相遇果知非常人密托附焉永安末果從事征討

累遷河北郡守及高歡敗于沙苑果乃率其宗屬西歸從戰河橋解

玉壁圍又從戰印山人服其勇補帳內都督後從楊忠平隨郡安陸

又從尉遲迥平蜀皆有功魏廢帝三年封冠軍縣侯邑五百戶閔帝

受禪進爵為公增邑千戶歷數州刺史保定五年為復州刺史天和

二年卒子孝仁嗣歷亳州刺史

三水縣貞公韓褒其先潁川潁陽人徙居昌黎祖瓌魏安定郡公父

演恒州刺史褒少有志尚好學而不守章句深沈有遠略魏建明中

起家奉朝請魏亂褒避地夏州時文帝為刺史素聞其名待以客禮  
 納其計定關中引為參軍賜姓侯呂陵氏大統初賜爵三水縣伯二  
 年進爵為侯歷涼州都督二十年加驃騎將軍儀同進爵為公天和  
 五年拜少保七年卒子繼伯嗣

建德縣公郭彥太原陽曲人其先從宦關右遂居馮翊父胤靈武令  
 彥少知名文帝辟為書佐累遷郎中都督大統十二年以居郎官著  
 稱封龍門縣子邑三百戶魏恭帝元年從于謹平陵陵進驃騎開府  
 儀同增邑五百戶進爵為伯閔帝受禪出為澧州刺史以克南安城  
 功進今封邑一千戶保定四年從尉遲迴克豫州以彥鎮之增邑六  
 百戶天和元年轉隴右長史四年卒

固安縣莊公韋祐京兆山北人世為州郡著姓祖駢魏中書博士父  
 義上洛郡守佑少好遊俠而質直少言所與交遊皆輕猾以命襲季  
 長壽女因寓居關南正光末王公被難者或依之多得全濟以此為  
 貴遊所德乃拜員外散騎侍郎及魏孝武西遷祐從南歸之封固安  
 縣男邑二百戶除東洛州刺史鎮九曲城大統十五年加驃騎開府  
 儀同尋進爵為公與東魏戰沒子初嗣建德末位至開府儀同大將  
 軍


臨江縣公扶猛上甲黃土人其種落號白虎蠻世為渠帥猛梁大同  
 中封宕渠縣男及侯景反猛擁眾自守未有所從魏廢帝元年猛以  
 眾降文帝以其世據本鄉割二郡為羅州以猛為刺史復爵宕渠縣  
 男從賀若敦討平信州進今封增邑一千戶保定三年歷綏州刺史  
 進位大將軍後以疾卒

魯郡公崔彥穆清河東武城人魏司空安陽侯林之九世孫曾祖顓  
魏平東府諮議祖蔚遭從兄浩之難南奔江左仕宋為郡守延興初  
復歸于魏拜潁川郡守因家焉後終于郢州刺史父雅永昌郡守彥  
穆幼明悟神彩卓然李神雋見而歎曰王佐才也永安末除司徒府  
參軍魏孝武西遷彥穆時不得從大統二年乃與兄彥珍於成臯舉  
義因攻拔榮陽潁川斬東魏刺史孝武嘉之拜榮陽郡守十四年文  
帝召入募府掌文翰從于謹平江陵賜爵為侯武帝初進爵為公天  
和中進位大將軍隋文為相以平荆州功授襄州總管上大將軍進  
今封邑二千戶隋開皇元年卒子君綽嗣

臨黃縣公李昶頓丘臨黃人祖彪名重魏朝為御史中尉父遊亦有  
才行為當世所稱遊兄志為南荆州刺史遊隨從至州屬余朱之亂

與志俱奔江左昶性峻急不雜交遊幼年已解屬文有聲洛下初謁  
文帝文帝深奇之令入太學陸通請為司馬累遷丞相府記室參軍  
轉黃門侍郎封臨黃縣伯邑五百戶尋奏為御史中尉賜姓宇文氏  
進爵為侯增邑五百戶保定初進驃騎開府儀同二年進爵為公增  
邑通前一千三百戶五年出為昌州刺史卒子丹嗣

華陽縣侯楊欒正平京凉人祖貴父猛並為縣令擿少豪俠有志氣  
魏孝昌中余朱榮之亂城陽王元徽投欒欒藏而免之由是以義烈  
聞擢拜將軍給事中元顥入洛欒濟從帝討平之封肥如縣伯邑五  
百戶從魏孝武入關進爵為侯增邑八百戶大統十二年錄前後軍  
功別封卻陽縣伯邑五百戶十六年併肥如卻陽二邑合一千八百  
戶改今封又于邵郡置邵州以欒為刺史保定四年遷少師其年



齊人戰兵敗降齊文帝猶錄其功不以爲罪令其子嗣爵  
 汝陽侯呂思禮東平壽張人性溫潤不雜交遊十九舉秀才對策高  
 第除參軍葛榮圍鄴思禮有守禦功賜爵平陸縣伯爲賀拔岳所重  
 專掌機密岳死預謀迎文帝及迎魏孝武入關以功封汝陽縣子邑  
 四百戶從擒竇泰進爵爲侯邑八百戶歷遷安東將軍都官尚書大  
 統四年以罪賜死子亶嗣大象末位至駕部下大夫

邵陽理侯薛寘河東汾陰人祖遵魏安邑侯父人廣平郡守寘幼覽  
 篇藉好屬文年未弱冠爲州主簿郡功曹起家奉朝請稍遷大中大  
 夫從魏孝武西遷封邵陽縣子邑四百戶魏廢帝元年從于謹平江  
 陵以參謀功進爵爲伯增邑五百戶閔帝受禪進爵爲侯增邑五百  
 戶進位驃騎開府儀同出爲浙江刺史卒謚理子明嗣大象末儀同

大將軍清水郡守

樂昌縣節公郭賢趙興揚州人父雲涼州司馬賢性強記學涉書史  
 魏正光末賊帥宿勤明達圍幽州刺史以賢爲統軍拒守有功授都  
 督大統二年從王思政鎮弘農行郡事賢質直有筭略思政甚重之  
 十二年移鎮魯陽封安武縣子邑四百戶拒東魏有功後從尉遲迥  
 平蜀以勲進爵爲伯增邑五百戶閔帝受禪進位驃騎開府儀同增  
 邑通前一千四百戶武成二年進今封天和元年卒子正嗣  
 千金郡恭公權景宣天水顯親人父曇騰魏隴西郡守景宣少聰悟  
 有氣俠年十七蕭寶寅見而奇之表爲將軍及寶宗敗景宣歸鄉里  
 大帝平隴右擢爲行臺郎中景宣曉兵權有智略從拔弘農破沙苑  
 皆先登陷陣從于謹援洛陽拔襄陽錄前後功封顯親男邑三百戶

從楊忠平安陸隋郡進驃騎開府儀同進爵為伯邑五百戶天和初授荊州總管進今封以疾卒子如璋嗣位至開府膠州刺史

廣川縣侯權如璋如璋弟位至儀同大將軍

長道郡公趙和天水南安人曾祖襄仕魏至中山郡守因家以代祖

泓廣武令父琛上洛郡守昶少聰敏有志節弱冠以材力聞起家拜

都督文帝平弘農擢為相府典籤遷都督喻降清水氏從破汾州胡

以功封章武縣伯邑五百戶魏恭帝初歷加驃騎開府儀同武州刺

史武帝初討平鳳州興州諸反賊錄前後功進今封賜姓宇文氏二

年徵拜賓部中大夫尋以疾卒

琅邪縣定公司馬裔河內溫人晉宣帝弟廆之後曾祖楚之晉亡歸

魏封琅邪王裔少孤有志操起家參軍後以軍功授將軍及魏孝武

西遷裔時在鄴潛歸鄉里志在立功大統二年文帝復弘農乃于溫

城起兵遣使歸降及文帝東伐裔率所部從戰河橋又別攻懷縣頻

有戰功授河內郡守魏廢帝二年以從平蜀功賜爵龍門縣子閔帝

受禪進位驃騎開府儀同進爵琅琊縣伯邑五百戶保定二年增邑

通前一千五百戶四年進爵為公歷諸州刺史六年拜大將軍卒子

惠公侃嗣屢以戰功加驃騎開府儀同兗州刺史卒子運凡三

安康郡壯武公季遷哲安康人世為山南豪族仕于江左祖方達齊

末為本州治中父元真梁洮陽侯遷哲少修立有識度慷慨善謀畫

起家文德主帥累遷東梁州刺史嗣父侯爵邑一千五百戶及侯景

篡逆諸王爭帝遷哲自守而已大統十七年文帝遣達奚武等南伐

遷哲軍敗而降封純陽伯邑千戶魏恭帝三年累遷侍中驃騎開



府儀同信州刺史武帝二年進爵西城縣侯增邑通前二千五百戶  
天和三年進位大將軍建德二年進今封三年卒長子敬仁先遷哲  
卒第六子敬猷嗣

廣宗縣公魏玄任城人六世祖休仕晉爲魯郡守永嘉南遷遂居江  
左父承祖魏景明中自梁歸魏家于新安玄少慷慨有膽略普泰中  
陰奉朝請頻從軍與梁人交戰以功授將軍及魏孝武西遷東魏北  
徒玄遂率募鄉曲立義關南前後與東魏十餘戰皆有功却山之役  
關東立義者咸懷異望而玄獨還關南鎮撫文帝手書勞之封廣宗  
縣子邑四百戶閔帝受禪進爵爲伯增邑通前九百戶保定四年進  
位驃騎開府儀同天和二年進爵爲侯歷諸州刺史四年進爵爲公  
後以疾卒

平齊縣惠公韋瑱京兆杜陵人世爲三輔著姓曾祖惠度後秦尚書  
郎隨劉義真過江仕宋爲順陽太守後于襄陽歸魏拜中書侍郎祖  
子雄略陽郡守父英代郡守瑱幼聰敏有夙成之量篤志好學兼善  
騎射魏孝昌二年起家參軍累遷州將文帝爲丞相拜行臺左丞封  
長安縣男食邑三百戶從復弘農戰沙苑又從戰河橋進爵爲子增  
邑二百戶魏恭帝二年賜姓宇文氏閔帝受禪進爵平齊縣伯增邑  
五百戶爲瓜州刺史雅性清儉兼有武略夷夏懷之武帝初進侍中  
驃騎開府儀同武成三年卒天和二年又追封爲公增邑通前三千  
戶子竣嗣位至車騎大將軍儀同

美陽伯蘇綽武功人魏侍中則之九世孫也累世二千石父協武功  
郡守綽少好學博覽羣書尤善算術從兄讓爲汾州刺史文帝餞之

因薦綽召為行臺郎中周惠達稱其有王佐才拜行臺左丞參典機密魏大統三年封美陽縣子邑三百戶尋進爵為伯增邑二百戶十年遷度支尚書十二年卒子威嗣娶晉公護女進爵懷道縣公大象末歷開府儀同大將軍隋開皇初以綽著名前代追封邳國公

美陽侯蘇椿綽弟性廉慎沈勇有決斷正光中關右賊亂椿應募討之授將軍累功賜爵美陽子大統十六年從平隨郡除武功郡守進爵為侯武成二年進位驃騎開府儀同保定三年卒子植嗣居庸伯王雅闡熙新固人少沈毅寡言有膽勇善騎射文帝聞其名召入軍累有戰功除都督賜爵居庸縣子從擒竇泰戰沙苑却山錄前後功進爵為伯歷驃騎開府儀同保定初為夏州刺史卒子世積嗣大象末上大將軍宜陽郡公

高邑伯馮景河間人少與周惠達同志相交俱為蕭寶夤參軍遷大行臺都令史及寶夤反敗景還洛以先有諫言得免除奉車都尉賀拔岳以為從事中郎文帝統岳眾除景洛陽郡守魏孝武西遷以功封邑三百戶遷行臺尚書大統初行涇州事後以疾卒

夏陽伯薛澄河東汾陰人曾祖弘敞值赫連之亂率宗人避地襄陽澄早喪父家貧躬耕以養祖母有暇則覽文籍江表取人多以世族澄既羈旅不被擢用孝昌中杖策還洛陽屬尔朱榮廢立遂還河東普泰中拜給事中及高歡起兵澄與族人孝通俱遊長安侯莫陳悅召為行臺郎中文帝平悅引為記室參軍魏孝武西遷封夏陽縣男邑三百戶魏文帝嗣位進爵為伯增邑百戶果遷中書侍郎後坐事死子舒嗣官至儀同大將軍

平陽伯李彥梁郡下邑人祖先之魏淮南郡守父靜南青州刺史彥  
少有節操好學慕古孝昌中解褐奉朝請遷將軍魏孝武入關兼著  
作佐郎修起居注累遷民部郎中大統十二年封平陽縣子邑三百  
戶魏廢帝時拜兵部尚書驃騎開府儀同賜姓宇文氏六官建改授  
軍司馬進爵爲伯以疾卒謚敬子昇明嗣少歷顯職大象末儀同大  
將軍

胡城貞伯梁昕安定烏氏人其先因官徙居京兆之整屋焉祖重耳  
漳縣令父勸儒州主簿中散大夫昕少溫恭見稱州里初爲蕭寶寅  
參軍從平万俟醜奴又爲尔朱天光參軍以功累遷右將軍文帝迎  
魏孝武西遷昕以三輔望族謁于雍城文帝見昕容貌環偉深賞異  
之拜相府參軍從復弘農戰沙苑皆有功歷拜東荆州刺史封安定  
縣子邑三百戶閔帝受禪進位驃騎開府儀同武帝初進今封邑五  
百戶保定元年遷中州刺史增邑八百戶天和初卒贈大將軍謚貞  
朝郵伯梁榮昕弟歷位計部下大夫儀府儀同進今封卒謚靜

武康郡公崔謙博陵安平人祖辨魏武邑郡守父楷魏殷州刺史謙  
幼聰敏神彩巖然及長深沈有識量博聞經史孝昌中釋褐著作佐  
郎從元天穆討平邢杲以功遷平軍賀拔勝出鎮荆州以謙爲行臺  
左丞魏孝武西遷勝爲侯景所敗與謙俱奔梁後並還文帝素聞謙  
名甚禮之賜爵千乘縣男大統三年從擒竇泰戰沙苑並有功進爵  
爲子十五年破隨郡守魏興有功賜姓宇文氏武帝初進爵作唐縣  
公保定四年進位大將軍進今封天和三年遷荆州總管卒子曠嗣  
大象中位至開府儀同大將軍歷浙江刺史

安平縣壯公崔詵謙弟少鯁直有節槩督力過人尤工騎射釋褐參軍賀拔勝以為都督又隨勝奔梁復自梁歸國封安昌縣子邑三百戶從復弘農戰沙苑有功進爵為侯增邑八百戶除京兆郡守改封安固縣侯增邑三百戶賜姓宇文氏後進爵萬年縣公增邑通前二千四百戶從齊王憲伐齊加侍中大將軍改今封建德四年卒子弘度猛毅有父風大象末上柱國國武鄉郡公

昌樂縣侯楊昇弘農華陰人祖鈞魏司空父儉侍中昇美鳳儀深沈有器局閉戶讀書博涉書記閔帝時為寧都太守甚有能名賜爵昌樂縣子後以軍功進爵為侯隋開皇中歷官刑部尚書吳州總管數

年卒昇傳在隋史然封在周故入此章

拔岳參軍及岳遇害文帝引為記室以偽為魏帝勅書平侯莫陳悅封長安縣男邑二百戶從復弘農戰沙苑進為子教武帝等隸書除黃門侍郎武帝嗣位出為湖州刺史靜退清約所至有聲尋加驃騎開府儀同改封昌樂縣伯又進爵為侯增邑並前一千六百戶疾卒澄城子裴邃河東聞喜人父秀業魏天水郡守邃性尤嚴為州里所推挹解褐散騎常侍累遷從事中郎大統三年遂糾合鄉人分據險要以拒東魏文帝嘉之封邑三百戶除正平郡守卒子文舉少忠謹涉獵經史大統十年起家奉朝請遷相府參軍魏恭帝二年賜姓賀蘭氏閔帝受禪文舉嗣父爵保定中累遷絳州刺史廉約自守百姓化之天和六年進位驃騎開府儀同進爵為公增邑通前一千戶建德二年又增邑七百戶六年除南青州刺史宣政元年卒子胃嗣官

至大都督早卒

凡三

西安子寇雋上谷昌平人祖讚魏南雍州刺史父臻郢州刺史雋性寬雅幼有識量好學彊記以選為魏孝文帝挽郎除奉胡請孝莊時累遷涼州刺史秩滿還家大統二年東魏以雋為洛州刺史雋因謀西歸五年攜家入關拜秘書監封西安縣男邑二百戶魏恭帝三年賜姓若口引氏閔帝受禪進爵為子增邑五百戶武成元年進驃騎開府儀同增邑并前二千戶保定三年卒年八十謚元

昌國縣公寇奉雋子位至儀同大將軍洵州刺史

濩澤郡公寇顒奉弟少好學最知名歷官儀同大將軍小納言

容城子盧柔本史不詳人少孤性聰敏好學未弱冠解屬文魏臨淮王或

見而器之以女妻焉後從賀拔勝之荆州掌書記累遷將軍隨勝奔

梁又隨勝還長安大統二年封容城縣男邑二百戶文帝重其才行

引為行臺郎中與蘇綽對掌機密進爵為子增邑三百戶閔帝受禪

拜內史大夫進位車騎開府儀同卒子愷嗣大象初拜東京吏部下

大夫

夏陽子裴寬河東聞喜人祖德歡魏河內郡守父靜慮銀青光祿大

夫寬儀貌魁偉博涉羣書年十三以選為魏孝明帝挽郎釋褐員外

散騎侍郎魏孝武西遷寬將家避難于大石巖獨孤信鎮洛陽始出

見焉大統五年授都督十四年與東魏戰被擒至鄴遁還長安文帝

嘉其節封夏陽縣男邑三百戶遷河南郡守鎮孔城十三年閔帝受

禪進爵為子保定中加驃騎開府儀同天和三年除溫州刺史為陳

所攻城陷被執卒於江左

高邑侯裴鴻寬族弟少恭謹有幹略歷位開府儀同天和初拜郢州刺史賜爵高邑縣侯從衛公直南伐軍敗遂沒卒于陳

清河子趙肅河南洛陽人世居河西及沮渠氏滅曾祖武始歸於魏賜爵金城侯祖興中書博士父中侯舉秀才後軍府主簿肅早有操行知名于時魏正光五年鄴元爲河南尹辟爲主簿累遷新安郡守秩滿還洛大統三年獨孤信東伐肅率宗人爲鄉道授司州治中累遷廷尉少卿大統十四年元旦當行朝禮非有封爵者不得預焉肅時未有茅土左僕射長孫儉白文帝請之文帝乃召肅謂曰歲初行禮豈得使卿不與然何爲不早言也于是令肅自選封名肅曰河清乃太平之應竊所願也于是封清河縣子邑三百戶十七年進位車騎儀同賜姓乙弗氏以疾去職卒于家

臨涇子蘇亮武功人祖權魏玉門郡守父祐泰山郡守亮少通敏博學好屬文善章奏初舉秀才至洛陽蕭寶夤引爲參軍寶夤敗尔朱天光西討以爲郎中賀拔岳爲行臺引爲左丞俱與文翰魏孝武西遷除吏部郎中累遷秘書監封邑三百戶亮有機辯文帝甚重之有所籌議率多會旨出爲岐州刺史十七年徵拜侍中卒亮少與從弟綽俱知名世稱二蘇子師嗣起家黃門侍郎

長樂子皇甫璠安定三水人世爲西州著姓後徙居京兆焉父和本州治中璠少忠謹有幹畧永安中辟州都督文帝鎮州補主簿以勤事被知大統四年引爲丞相府參軍累遷計部下大夫閔帝受禪封邑五百戶保定中進驃騎開府儀同建德元年除民部中大夫授隋州刺史其年增邑並前二千戶六年卒謚恭

臨湍子韓盛南陽渚陽人五世祖遠為鄭縣令因徙居京兆之渭南  
會祖良舉秀才奉朝請姑臧令祖與魏儻城郡守父先藻郿城郡守  
盛幼有操行涉獵經史兼善騎射魏大統初起家參軍累遷至大都  
督明帝二年封邑三百戶保定四年授車騎儀同新平郡守尋從晉  
公護于洛陽戰沒謚壯子謙嗣官至大都督

高城子蔣昇楚國平河人父雋魏趙興郡守昇性恬靜少好天文玄  
象之學文帝雅信待之常侍左右以備顧問言無不驗魏恭帝元年  
以前後功授車騎儀同封邑五百戶保定二年增邑三百戶除河東  
郡守入為太史中大夫以老疾致仕卒

高唐子檀翥高平人好讀書善屬文年十九為魏孝明帝挽郎遷司  
州從事尋謝病客遊三輔時毛遂為行臺鎮北雍州表為郎中後副  
毛鴻賓鎮潼關累遷前將軍魏孝武西遷賜爵兼中書舍人修國史  
坐談論輕躁死于獄

平陽子劉璠沛人六世祖敏以永嘉喪亂徙居廣陵父城梁天監初  
為著作郎璠九歲而孤少好讀書兼善文筆鮮褐王國常侍璠少慷  
慨好功名志欲立事邊城不樂隨牒平進會蕭循出為北徐州刺史  
即請為參軍循為益州刺史以璠為蜀郡太守屬達奚武軍至璠不  
得入城遂降于武文帝以為記室尋遷黃門侍郎武帝初授內史大  
夫掌綸誥封邑九百戶天和三年卒子祥嗣

武鄉縣文公劉志弘農華陰人漢太尉寬之十世孫也高祖隆宋武  
帝平姚秦以宗室首望召拜馮翊郡守後屬赫連氏入寇避地河洛  
因家于汝潁祖善魏大安舉秀才歷北雍州刺史父瓌汝南郡守

志少好學性方重兼有武略魏正光中以明經徵拜國子助教累遷廣州別駕永熙三年高歡入洛魏孝武西遷志據城不從東魏潛遣閔使奉表使長安後爲東魏所陷潛遜得免大統三年文帝遣獨孤信復洛陽志糾合義徙居廣州歸國拜相府參軍封華陰縣男邑二百戶明帝出鎮宣州文帝以志爲幕府司錄翊從明帝及嗣位進今封武帝嗣位進位驃騎開府儀同成州刺史天和五年卒子明嗣歷官絳州別駕

繁昌縣公辛昂隴西狄道人魏繁昌公仲略之子也數歲便有成人志年十八侯景辟爲行臺郎中景叛東魏以地西附昂遂入長安除相府參軍大統十四年追論歸朝之勲封襄城縣男邑二百戶從尉遲迴平蜀遷梓潼郡守進今封天和中爲通州刺史推誠布信其得夷獠歡心進位驃騎開府儀同武帝初坐宇文護黨被譴卒

山北男王子直京兆杜陵人世爲郡右族父琳東雍州長史子直性節儉有幹能魏正光中辟主簿起家奉朝請累遷將軍賀拔岳入關以爲行臺郎中魏孝武西遷論功封邑二百戶從文帝解洛陽圍經河橋戰又從獨孤信討平隴右又破吐谷渾進車騎將軍行瓜州事魏恭帝初拜黃門侍郎卒

白石男趙文深南陽宛人父遐以醫術進事魏爲尚藥典御史深少學楷隸年十一獻書于魏孝武立義歸朝除相府參軍大統十年追論立義功封邑二百戶天和元年以題榜之功增邑二百戶除趙興郡守後以疾卒

右閔帝以前封爵凡國公十八人郡公四十二人縣公四十二人



其八進 縣侯四人 一進郡公 伯十四人 三進郡公 子十五人 二進郡公  
封郡公 二進 男四人 二進 隨父見者國公十四人 郡公三十二人 縣公二  
 十二人 縣侯十人 伯六人 子三人 男三人

郊國 公王軌太原人漢司徒允之後世為州郡冠族累葉仕魏賜姓  
 烏丸氏父光少雄武有將帥才略每從征討頻有戰功位至驃騎開  
 府儀同平原縣公軌性質直慷慨有遠量武帝初起家前侍下士累  
 遷儀同親遇彌重遂處腹心之任密謀誅晉公護軌贊成之建德初  
 歷拜上開府儀同封上黃縣公邑一千戶五年從平齊以功進位上  
 大將軍進今封邑三千戶出為徐州總管宣帝為太子多失德軌屢  
 陳之武帝深以為然及宣帝嗣位即遣使就徐州殺之

邳國 公梁士彥安定烏氏人少任俠不仕州郡性剛果好讀兵書頗  
 涉經史武帝聞其勇自扶風郡守除九曲鎮將進位上開府封建威  
 縣公武帝伐齊從拔晉州進位大將軍除晉州刺史及齊平進今封  
 位上柱國雍州總管隋文為丞相轉亳州總管預平尉遲廻代還京  
 師坐怨望謀反誅年七十二

義鄉縣 公梁操士彥子以父功封位上開府早卒  
 通政縣 公梁剛操弟弱冠授儀同以平尉遲廻勲加開府擊突厥  
 有功進位上大將軍通政縣公涇州刺史士彥之誅也以諫獲免  
 徙瓜州

廣平縣 公梁叔諧位至上儀同  
 安定伯梁志遠  
 建威伯梁務 以上三爵皆士彥子封俱坐士彥誅

楊國公王誼河南洛陽人父顯鳳州刺史誼少慷慨有大志便弓馬博覽羣言閔帝時為左中侍上士累遷御正大夫武帝嗣位授儀同累遷內史大夫封從平齊授相州刺史尋徵為大內史率軍討平汾州稽胡封一子開國公宣帝嗣位憚誼剛正出為襄州總管隋文為相以討平司馬消難拜大司徒入隋為佐命功臣改封郢後賜死

趙郡公劉雄臨洮子城人少機辯慷慨有大志大統中起家為文帝親信尋授統軍加都督賜姓宇文氏閔帝受禪加大都督天和五年進爵為侯邑一千四百戶建德四年以征吐谷渾功增邑三百戶從平并州進今封邑二千戶舊封廻授一子明年從平齊進位柱國宣政元年與突厥戰沒子昇嗣以父死事大象末授儀同大將軍

五原郡公辛彥之隴西狄道人祖世叙魏涼州刺史父靈輔周渭州刺史彥之九歲而孤不交非類博涉經史後入關遂家京兆文帝見而器之引為中外府禮曹累遷中書侍郎及閔帝受禪彥之專掌儀制明武時歷加開府儀同以使突厥迎后回賜爵龍門縣公邑千戶尋進今封加邑千戶宣帝嗣位拜少宗伯隋初改封任城郡公此傳在隋

然功封郡公已在周矣

華陽郡襄公梁彥光安定烏氏人祖茂魏秦華二州刺史父顯周荆州刺史彥光少岐嶷有至性魏大統末入太學略涉經史解褐秘書郎閔帝受禪遷舍人上士後從武帝平齊以功授開府陽城縣公邑千戶宣帝嗣位拜華州刺史進今封增邑五百戶以陽城公轉封一子尋進位柱國上大將軍隋文受禪以為岐州刺史增邑通前二千

戶數歲卒子文謙嗣歷戶部侍郎

陽城縣公梁文讓文謙弟以父功封隋大業中以擊楊玄感戰死

始安縣莊公王慶太原祁人父因魏靈州刺史懷德縣公慶少開悟

有才略初從文帝征伐復弘農破沙苑並有戰功大統十年授殿中

將軍閔帝受禪遷大都督武成元年以前後功賜爵始安縣男又以

使突厥進爵爲公大象元年加上大將軍除延州總管進位柱國隋

開皇元年進爵平昌郡公卒子淹嗣

伯陽縣公趙文表其先天水西人後徙居南鄭累世爲二千石父江

性方嚴有度量歷官東巴州刺史加驃騎開府儀同封昌國縣伯卒

謚貞文表少而修謹志存忠節便弓馬能左右馳射起家爲文帝親

信累功遷車騎儀同保定元年以使突厥迎后功別封伯陽縣伯邑

六百戶天和三年進位大將軍進爵爲公大象中拜吳州總管爲刺

史于顛所害子仁海嗣

平陽縣公顏之儀琅琊臨沂人晉侍中含九世孫祖見遠齊御史治

書正色立朝有當官之稱父協爲梁湘東參軍之儀幼穎悟及長博

涉羣書好爲詞賦江陵平之儀隨例遷長安明帝以爲麟趾學士武

帝初爲侍養歿子拜小官尹封平陽縣男宣帝嗣位遷上儀同大將

軍進爵爲公增勳千戶隋文爲相之儀弗從出爲西疆郡守隋文受

禪進爵新野郡公十一年卒

崇業郡公樂遊河東倚氏人弱冠爲郡主簿長乃就學趙魏志道不

倦永安中釋褐參軍大統七年除子都督魏恭帝二年授太學助教

閔帝受禪遷太學博士保定二年以訓導功授湖州刺史封安邑縣

子邑四百戶後增邑百戶大家初進爵崇業郡公增邑通前二千戶  
二年進位大將軍開府儀同授東揚州刺史隋開皇元年卒年八十

二

臨涇公牛允安定鶉觚人本姓奈氏父熾郡中正允亦有器幹知名  
于時歷官侍中驃騎開府儀同工部尚書賜姓牛氏又賜爵臨涇公  
賜姓宇文氏後復牛子弘入隋

安定郡襄公樊叔略陳留人父歡仕魏為南兗州刺史河陽侯高歡  
相魏將謀興復被誅叔略時在髻亂遂被腐刑給使殿省長九尺志

氣不凡頗為高氏所忌內不自安遂奔關西周文帝見而器之引置  
左右尋授都督襲爵為侯建德五年從武帝伐齊以功加上開府進  
封清鄉縣公邑一千四百戶拜汴州刺史宣帝時進位大將軍隋文

帝受禪加位上大將軍進爵安定郡公卒此傳在隋然功封在周隋加爵耳

武山郡公田式馮翊下邳人祖安興父長樂仕魏俱為本郡太守式  
性剛果多武藝拳勇絕人明帝時年十八授都督領鄉兵累遷本郡

太守進位儀同三司賜爵信都縣公從武帝平齊以功加上開府改  
封梁泉縣公隋文為相以從韋孝寬擊尉遲迥功進爵武山郡公及

受禪拜襄州總管遷廣州卒此傳在隋然縣公之封有功于周加封郡公則隋功而周爵也

高邑縣公燕榮華陰弘農人父偁大將軍榮性剛嚴有武藝初為內  
侍上士從武帝伐齊以功授開府儀同封隋文受禪進封落叢郡公

義興侯杜杲京兆杜陵人祖建魏輔國將軍父皎儀同三司武都郡  
守杲學涉經史有當世幹略其族父瓚尚魏孝武妹因薦之于朝永

熙三年起家奉朝請累遷漢陽郡守武帝初以從趙昶平鳳州叛賊

功入爲司命上士屢以使陳稱旨歷遷御正大夫賜爵義興縣伯大象二年加開府儀同進爵爲侯邑一千三百戶隋開皇二年進爵爲公遷兵部尚書二年卒

武陽伯高賓渤海蓀人其光因官北邊遂徙于遼左祖暉以魏太和初自遼東歸魏官至安定郡守衛尉卿父季安兖州刺史賓少聰穎有文武幹用仕東魏累遷立義都督大統六年賓以被譖懼難棄家西歸文帝嘉之授安東將軍歷咸陽郡守明帝初賜姓獨孤氏保定初賜爵武陽縣伯天和二年除都州刺史進位驃騎開府儀同六年卒子頰爲隋佐命

歷城伯明克讓平原鬲人父山賓梁侍中克讓少好儒雅善談論博涉書史年十四釋褐湘東王參軍歷中書侍郎梁滅歸于長安明帝引爲麟趾殿學士武帝時以正定新曆拜儀同三司後賜爵歷城縣伯邑五百戶隋初進爵爲侯開皇十四年卒

右閔帝以後封爵凡國公三人郡公五人縣公七人隋父見者縣公四人伯一人

### 外戚公侯章

翼國公元晟河南洛陽人少以元氏宗室拜開府第二女選入宮拜貴妃大象元年立爲天右皇后二年改爲天元太皇后末年晟以後父進位上柱國封

鄆國公陳山提自云潁川人本高氏之隸仕齊官至特進開府東兗州刺史謝陽王武帝平齊拜大將軍封浙陽郡公大象元年山提第八女選入宮爲德妃月餘立爲天左皇后二年改爲天中大皇后山

提以后父超授上柱國進封除太宗伯

卮言曰周史無紘戚傳見於后傳中周氏四君文閔二后皆魏帝女也武帝后則突厥女也明帝后則衛公女也惟宣帝立五后其嫡為隋文長女其並后二父得封上公餘后或以罪臣之女或以籍沒之姬故封爵邈焉若其所稱帝女為公主者悉配功臣或其子附見于前耳

恩澤王侯章

廣陵王元欣元宗室歷位柱國大將軍大傅大司徒封

義陽王元子孝歷位柱國大將軍特進尚書令少師封

馮翊王元季海歷尚書僕射封大統末卒子亨嗣邑千戶改封平涼

王閔帝受禪列降為公隋文受禪以佐命功增邑七百戶卒謚宣

陳郡王元玄歷七兵尚書封

淮安王元育歷大將軍封

梁王元儉歷大將軍封

廣平公元贊歷位大將軍尚書令少保小司徒封

安昌公元則歷大將軍小司空荊州總管

韓公元羅歷侍中驃騎大將軍開府儀同三司少師

魯郡公元正歷侍中驃騎開府儀同中書監洵州刺史

宜都公元顏子歷侍中驃騎開府儀同中書監洵州刺史

安樂郡公元壽祖敦魏侍中邵陵王艾寶涼州刺史壽以武成初封

隆城縣侯邑千戶保定四年改封儀龍縣侯歷侍中驃騎開府儀同

鄆州刺史進今封入隋佐命

房陵公元審歷侍中驃騎開府儀同遂州刺史

淮南縣公元偉魏昭成之後城陽王忠之孫也父順從魏孝武西遷

拜雍州刺史封濮陽王偉以侍從之勞賜爵高陽縣伯大統十六年

以魏氏宗室進爵南安郡王邑五百戶從尉遲廻平蜀以功增邑五

百戶周官建拜師氏下大夫爵隋例降改今封閔帝受禪除晉公府

司錄武帝初加驃騎開府儀同大象二年除襄州刺史進位大將軍

後以疾卒

周書本傳曰太祖天縱寬仁性罕猜忌元氏戚屬並保全之內外

任使布於列職孝閔踐祚無替前緒明武績業亦遵先志雖天厭

魏德鼎命已遷枝葉榮茂足以逾于前代矣

江陽縣公元善魏宗室北海王乂之孫也又被誅子羅奔于梁官至

青冀刺史善少隨父至江南性好學遂通涉五經及侯景之亂善歸

于周武帝甚禮之以為太子宮尹賜爵隋開皇初拜內史侍郎以疾

卒年六十

朔方郡公源雄西平樂都人祖懷父慕俱為魏隴西王雄少寬厚偉

姿儀起家秘書郎尋加將軍父為高氏所誅雄脫身西歸長安文帝

見而器之賜爵隴西郡公後從武帝伐齊以功授開府改今封拜徐

州總管隋初進位上柱國大將軍

靈壽縣公朱敞秀容契胡人魏博陵王彥伯之子也齊神武韓陵之

捷盡誅余朱氏敞小隨母養於宮中及年十二自竇走出後詐為道

士變姓名隱高山略涉經史數年微服西歸文帝見而禮之拜行臺

郎中封靈壽縣伯邑千五百戶進爵為公進位上開府大將軍隋受

禪改封邊城郡公拜徐州總管卒子最嗣

卮言曰余朱氏魏之賊臣也而其餘孽轉徙至周得濫封爵以迄于隋何歟篡逆之朝豈惜名器哉

蔡陽郡襄公蕭撫梁武帝弟安成王秀之子也梁武時封永豐縣侯

領益州刺史及蕭紀稱帝于成都封撫秦郡王尉遲迴平蜀撫以城

降魏恭帝元年封歸善縣公邑千戶閔帝受禪進爵黃臺郡公增邑

千戶保定元年別賜食多陵縣五百戶收其租賦出為上州刺史建

德元年歷拜少傅改今封增邑通前三千四百戶二年卒謚襄子濟

嗣歷官蒲陽郡守

義興郡公蕭世怡梁武弟鄱陽王恢之子也梁大同元年封豐城縣

侯元帝以為侍中郢州刺史後以州歸王琳世怡奔齊以為永州刺

史保定四年降于晉公護拜驃騎開府儀同封邑一千三百戶天和

三年授蔡州刺史三年卒子寶嗣

棘城郡公蕭圓蕭梁武孫武陵王紀之子也紀稱帝于成都封宜都

郡王及尉遲迴伐蜀圓蕭與撫俱降授侍中驃騎開府儀同封安化

縣公邑千戶武帝初進今封增邑千戶別賜食思君縣五百戶收其

租賦建德六年增邑通前三千七百戶大象末進位大將軍隋開皇

初授貝州刺史四年卒

始寧縣公蕭大園梁簡文帝之子也梁大寶元年封樂梁郡王侯景

弒逆大園遁至江陵改封晉熙郡王于謹軍至元帝令大園守城尋

降大園至長安文帝以客禮待之保定二年詔曰梁汝南王蕭大封

晉熙王蕭大園等梁國子孫宜存優禮式遺茅土寔允舊章大封可



封晉陵縣公大園封始寧縣公邑各一千戶尋加大園車騎儀同宣  
政元年增邑通前二千二百戶隋開皇初出爲西河郡守尋卒

安康郡公楊乾運儻城興勢人爲方隅豪族父天興齊安郡守乾運  
少雄武爲鄉閭所信服弱冠州辟主簿魏孝昌中歷遷安康郡守大  
統初爲梁所陷乾運入梁爲梁州刺史鎮潼川封萬春縣公邑四千  
戶侯景之亂梁元帝與成都王紀爭帝乾運以州歸附封文帝密賜  
之鐵券及尉遲廻伐蜀乾運遂降魏廢帝三年至長安卒子端嗣卽  
拜梁州刺史

上庸縣伯楊略乾運兄子說乾運歸魏將兵鎮劔閣乾運降略亦  
以功拜開府儀同大將軍頻從征討建德末封

安康縣公樂廣乾運婿將兵鎮安州隨乾運歸附授車騎儀同安  
州刺史封安康縣公邑一千戶

義城縣侯庾信南陽新野人梁中書令肩吾之子也梁元帝時爲右  
衛將軍封武康侯使聘于魏遂留長安江陵平拜車騎大將軍閔帝  
帝受禪封臨清縣子邑五百戶遷驃騎開府儀同進今封歷拜司宗  
中大夫大象初以疾去職卒子立嗣

襄城縣伯何妥西城人父細胡通商入蜀遂家朐縣事梁武陵王紀  
主知金帛因致巨富號爲西洲大賈妥少機警十七以技巧事湘東  
王召爲誦書左右江陵陷武帝尤重之授太學博士宣帝初欲立五  
后辛彥之以爲不可妥皎曰帝嘗四妃舜又二妃亦何常數由是封  
隋初進爵爲公

石泉子王褒琅邪臨沂人齊南昌公儉之孫也梁元帝時累拜侍中

尚書左僕射于謹平江陵元帝降褒出見謹謹甚禮之至長安文帝喜曰吾即王氏甥也卿吾之舅氏當以親戚為情勿以去鄉介意授車騎儀同三司閔帝受禪封邑三百戶歷遷太子少保出為宜州刺史卒子才鼎嗣

右歸附封爵

長壽縣公姚僧垣吳興武康人吳太常信之八世孫也曾祖郢宋員外散騎常侍五城侯父菩提梁高平令嘗嬰疾歷年乃留心醫藥梁武帝頗禮之僧垣幼通洽即傳家業梁武召入禁中甚奇之大通中解褐王國左侍梁元帝時為晉安府諮議于謹平江陵隨至長安武成元年授小畿伯下大夫歷遷遂伯中大夫建德三年加驃騎開府義同宣帝初為太子常苦心痛乃令僧垣治之而愈及嗣位恩禮彌隆常從容謂僧垣曰嘗聞先帝呼公為姚公有之乎對曰臣曲荷殊私實如聖日帝曰此是尚齒之辭非為貴爵之號朕當為公建國闢家為子孫永業乃封長壽縣公邑一千戶靜帝初遷上開府儀同大將軍隋初進爵北絳郡公卒年八十五子最嗣

隆常從容謂僧垣曰嘗聞先帝呼公為姚公有之乎對曰臣曲荷殊私實如聖日帝曰此是尚齒之辭非為貴爵之號朕當為公建國闢家為子孫永業乃封長壽縣公邑一千戶靜帝初遷上開府儀同大將軍隋初進爵北絳郡公卒年八十五子最嗣

公姓信氏定武康人矣太常信之八世孫也信祖部才身  
公姓信氏定武康人矣太常信之八世孫也信祖部才身  
公姓信氏定武康人矣太常信之八世孫也信祖部才身

右歸附封爵

洪軍割既數賴其絲漚公卒年八十五子景嗣宗中甚可之大也中  
洪軍割既數賴其絲漚公卒年八十五子景嗣宗中甚可之大也中  
洪軍割既數賴其絲漚公卒年八十五子景嗣宗中甚可之大也中

學海君道部卷之六十六

世系類 六十

列國譜系 四十七

隋封篇

通考曰隋開皇中制國王國公郡公縣公侯伯子男凡九等至煬  
通考曰隋開皇中制國王國公郡公縣公侯伯子男凡九等至煬  
通考曰隋開皇中制國王國公郡公縣公侯伯子男凡九等至煬

宗室王公章

蔡景王整文帝之次弟也周時以武元帝軍功賜爵陳留郡公戰沒  
蔡景王整文帝之次弟也周時以武元帝軍功賜爵陳留郡公戰沒  
蔡景王整文帝之次弟也周時以武元帝軍功賜爵陳留郡公戰沒

高陽公智明 開化縣公智才 並整子開皇元年封

滕穆王瓚文帝母弟周時以武元軍功封竟陵郡公文帝作相進邵

國公及受禪進今封開皇十一年卒子綸嗣煬帝初以罪廢後歸唐

封懷化縣公卒綸弟坦初封竟陵公坐綸徙長沙坦弟詵亦從零陵

後徵還嗣封滕王大業末於江都為宇文化及所害

道宣王嵩文帝異母弟在周以武元帝軍功賜爵興城公早卒文帝

受禪追進今封以滕王子悼王靜嗣卒無子以蔡王子世澄嗣

衛昭王爽文帝異母弟也周時在繼綵中以武元軍功封同安郡公

開皇初立為衛王二年賜爽真食梁安縣千戶六年病卒子集以遂

安王嗣煬帝初坐罪徙邊

河間王弘文帝從祖弟祖愛敬早卒父元孫少孤冒外家姓為郭氏

卒齊亾弘始入關文帝為丞相常置左右委心腹賜爵永康縣公開

皇初進爵郡公尋贈其父為柱國尚書令河間郡公其年進今封煬

帝初卒追封郇王子慶嗣後降李密復歸王世充降爵為郇公後歸

唐

義城恭公處綱文帝族父也父鍾葵文帝受禪追封義城縣公以處

綱嗣

史臣曰高祖昆弟之恩素非篤睦閨房之隙又不相容至于二十

承基其弊愈甚是以滕穆暴薨人皆竊議蔡王將沒自以為幸惟

衛王養于獻后故任遇特隆而諸子遷流莫知歿所悲夫其錫以

茅土稱為盤石行無甲兵之衛居與眡隸為伍外內無虞顛危不

暇時逢多難將何望焉

觀德王雄文帝族子父納仕周歷八州刺史儻城縣公賜姓叱呂引氏雄在周歷位上儀同封武陽縣公邑千戶累遷右司衛上大夫大象中進爵邗國公邑五千戶文帝受禪進封廣平王食邑五千戶以邗公別封一子雄請封弟士貴許之尋改封清漳王仁壽初文帝曰清漳之名未允聲望命職方進地圖上指安德郡以示羣臣曰此號足為名德相稱於是改封安德王大業中改今封遼東之役檢校左翊衛大將軍尋以族卒謚曰德

始安侯恭達雄弟在周封遂寧縣男文帝受禪進爵為子遼東之役領右武衛將軍贈始安侯

右文帝兄弟宗族王四人公三人侯一人

房陵王勇文帝長子初立為太子後廢為王

秦王俊文帝第三子開皇元年立為秦王二十年卒子浩煬帝初嗣後立為帝

蜀王秀文帝第四子開皇元年封越王永幾徒封為蜀王楊素請廢之

漢王諒文帝第五子開皇元年封煬帝初以反廢幽死

長寧王儼勇長子六歲封 平原王裕

安成王筠 安成王嶷

襄成王恪 高陽王說

建安王韶 潁川王暉

以上八王皆故太子勇之子並開皇六年封勇敗俱坐廢後悉

爲煬帝所害

右文帝子王者四人孫王者八人

齊王暕煬帝第二子開皇中立爲豫章王食邑一千戶煬帝嗣位進今封增邑四千戶後爲宇文化及所害

趙王果煬帝小子年七歲以大業九年封後爲宇文化及所害

燕王倓元德太子昭子大業二年封宇文化及弑逆並見害

越王侗昭子大業二年封煬帝幸東巡幸侗常畱守東都宇文化及弑逆元文都等立侗爲帝三年爲王世充所弑

右煬帝子王者二人孫王者二人

史臣曰高祖之子五人莫有終其天命異哉房陵監國凡二十年恩寵旣變讒言間之顧復之慈頓隔於人理父子之道遂滅于天性隋室將亾之效衆庶皆知之矣秀窺岷蜀之阻諒起晉陽之甲成茲亂常之釁蓋亦有以動之也元德太子雅性謹重有君人之量降年不永哀哉齊王志不及遠頗懷驕僭故煬帝疎而忌之心無父子之親貌展君臣之敬身非積善國有餘殃至今趙及燕趙皆不得於其可悲夫

功臣公侯章

齊國公高頴勃海修人父賓背齊歸周大司馬獨孤信引爲寮佐賜姓獨孤氏官至郡州刺史頴少明敏有器局略涉書記尤善詞令周齊王憲引爲記室武帝時嗣爵武陽縣伯以平齊功拜開府文帝爲丞相引爲相府司錄委以心膂以平尉迥功進位柱國改封義寧縣公文帝受禪拜左僕射進封渤海郡公開皇九年從晉王廣平陳以

功加授上柱國進今封定食千乘縣千五百戶後坐誣構除名為民  
煬帝立拜太常尋以忤旨被誅諸子徙邊

應國公高弘德頰子官至晉王府記室封

渤海公高表仁頰子封

宋國公賀若弼河南洛陽人周武都烈公敦之子也詳前弼少慷慨

有大志驍勇便弓馬博涉書記有重名周齊王憲引為記室封當亭

縣公宣帝時以伐陳有功拜壽州刺史改封襄邑縣公文帝為丞相

尉迥稱兵相州恐弼為變遣長孫平馳驛代之文帝受禪欲并江南

高頰薦弼為吳州總管開皇九年以平陳功加位上柱國進今封真

食兼邑三千戶後以不得為宰相有怨言坐除名為民歲餘復爵大

業三年坐私議得失為人所奏被誅妻子為官奴婢子懷亮以世子

誅歿

魯國公虞慶則京兆櫟陽人本姓魚其先仕于赫連氏遂家靈武代

為北邊豪傑父祥周靈武太守慶則幼雄毅性倜儻有膽氣初以弋

獵為事中更折節讀書仕周釋褐參軍襲爵沁源縣公宣政元年歷

開府石州總管開皇元年遷吏部尚書封彭城郡公二年突厥入寇

慶則為元帥討之突厥內附授上柱國進今封食任城縣千戶以彭

城公回授第二子義十七年坐快望被謀反伏誅

房國公蘇威京兆武功人周美陽公綽之子也威少有至性周時嗣

父爵仕郡功曹晉公宇文護見而禮之以其女妻焉威逃入山中為

叔父所逼卒不獲免然威每屏居山寺以諷讀為娛後改封懷道縣

公歷拜開府文帝為丞相高頰屢言其賢召與語大悅及聞禪代之

議道歸田里頰請追之文帝曰此不欲預吾事且置之及受禪徵拜太子少保追贈其父爲邳國公邑三千戶以威嗣爵歷拜尚書右僕射累以罪免俄而復爵煬帝嗣位加上大將軍從征遼東賜爵房陵侯其年進今封宇文化及之弑逆也以威爲開府儀同三司化及敗歸于李密密敗歸越王侗以爲上柱國邳公王世充僭號署太師及唐平洛陽請謁不許卒于家年八十八

舒國公劉昉博陵望都人父孟良大司農從魏孝武入關周文帝以爲東梁州刺史昉性較狡有姦數周武帝時以功臣子入侍皇太子及宣帝嗣位以技佞見狎遷小御正宣帝殂屬以後事昉以靜帝幼冲素知文帝又以后父有重名遂與鄭譯引文帝輔政文帝以定策功拜上大將軍封黃國公及受禪進位柱國改今封昉自以佐命元功不被任使遂以謀反伏誅

華國達公鄭譯榮陽開封人周宣帝時歷內史上大夫封沛國公文帝與譯有同學之舊譯又素知文帝奇表傾心相結及文帝爲宣帝所忌私與譯謀出爲揚州總管以伐陳會宣帝殂遂與劉昉共引文帝輔政拜譯相府長史與劉昉皆爲心膂時人稱爲黃沛及受禪以上柱國還第進二子爵爲公侯譯以自被疏章醮祈坐厭蠱除名俄而復爵開皇十一年以疾卒謚曰達子元璿嗣煬帝初立五等悉除以譯佐命元功追改今封元璿襲焉大業末出爲文城大守唐師起元璿以城降

城臯公鄭元璿譯長子以父功封邑二千戶後嗣父爵  
永安男鄭元珣譯次子以父功封



楚國景武公楊素弘農華陰人周臨貞忠公敷之子也素少落拓有大志不拘小節從叔祖寬深異之每謂子孫曰處道非常之器非汝曹所逮也後好學善屬文有英傑之表周晉公護引為記室歷拜車騎大將軍武帝命為詔書下筆立成從齊王憲伐齊以功封清河縣子邑五百戶及齊平改封安成縣公邑千五百戶宣帝嗣位素嗣父爵以已爵授弟及文帝為丞相素深自結納文帝甚器之拜大將軍徐州總管進封清河郡公邑三千戶文帝受禪加上柱國及大舉伐陳遂定荆襄進爵鄂國公邑三千戶真食長壽縣千戶素言于帝曰里名勝母曾子不入逆人王誼前封于鄂臣不願與之同乃改封越國公又以平江南策破突厥功進封第二子為郡公又以山陵功別封一子義康郡公邑萬戶世襲不絕其後廢太子立煬帝亦素成之也

大業元年遷尚書令明年拜司徒大史言隋分野有大喪因改封

楚真食二千五百戶楚與隋同分欲以此厭當之其年卒子玄感嗣

歷遷禮部尚書大業十年舉兵反兵敗自殺

修武縣公楊約素異母弟在童兒時嘗登拊墮地為查所傷由是

竟為宦者周末以素軍功賜爵安成縣公及素進封清河約又嗣

父爵臨貞縣公文帝時歷位大將軍改今封煬帝時又拜內史令

加右光祿大夫卒以素子玄挺為嗣歷位儀同玄感反時中流矢

歿

清河郡公楊玄獎第二子素進封越公時以先爵授之歷拜上儀

同義陽太守

淮南郡公楊玄縱玄獎弟以父功開皇二十年封後坐玄感誅

正平<sub>郡</sub>定公楊文思素從叔周華山公寬之子也周時歷封永寧縣公邑千戶文帝為丞相以破尉惇平鄴城功改封洛川縣公開皇元年進今封加邑二千戶煬帝時歷民部尚書左光祿大夫卒年七十

上明<sub>郡</sub>恭公楊文紀文思弟周末嗣父爵華山郡公文帝為丞相改封汾陰縣公從梁睿討王謙以功授上大將軍增邑三千戶進今封仁壽二年歷荊州總管歲餘卒

史臣曰楊素專以智詐自立阿諛時主高下其心營構離宮陷君於奢侈謀廢家嫡致國于傾危幸而得免子為亂階墮土未乾闔門殂戮丘隴發掘宗族誅夷則知積惡餘殃信非徒語多行無禮必自及其斯之謂歟

杞<sub>國</sub>公宇文忻京兆人周許公貴之子也周時封化政郡公邑二千戶歷位柱國豫州總管文帝與忻情好甚協及為丞相思顧彌隆尉迥之亂忻從章孝寬擊破之及平鄴城以功加上柱國文帝顧謂忻曰公舉無遺策戰無全陣誠天下之英傑也進封英國公增邑三千戶自是以後每參帷幄禪代之際忻有力焉後改今封以譴玄官遂與梁士彥謀反伏誅家口籍沒宇文忻周時以功封化政郡公已隨父見前章矣以其為隋佐命功臣復列此章云

安平<sub>郡</sub>康公宇文愷忻弟少有器局家世武將愷獨好學解屬文多伎藝周時以功臣子歷封安平縣公文帝受禪誅宇文氏以愷與本別兄忻有功于國使人馳赦之僅而得免後拜營宗廟副監廟成別封甌山縣公邑一千戶後與楊素營山陵進今封邑一千

戶煬帝時歷二部尚書又以度遼功進位金紫光祿大夫卒謚康  
 許國恭公宇文述代郡武川人本姓破野頭役屬鮮卑侯豆歸後從  
 其主為宇文氏父盛周上柱國述少驍銳便弓馬周武帝時以父軍  
 功起家拜開府性恭謹沉密宇文護甚愛之以本官領護親信累遷  
 中大夫賜爵博陵公尋改封濮陽郡公文帝為丞相尉迥舉兵相州  
 述從韋孝寬擊破之超拜上柱國進封褒國公後與煬帝謀廢太子  
 勇而立煬帝為太子及嗣位改今封歷加儀同三司大業十年卒子  
 化及嗣

觀國敬公田仁恭平涼長城人周鴈門公弘之子周時歷位上開府  
 進爵鴈門郡公邑二千五百戶文帝為丞相進位大將軍從韋孝寬  
 破尉迥于相州拜柱國文帝受禪進上柱國營廟社進今封增邑通  
 前五千戶歲餘卒贈司空子世師嗣

滑國定公韋壽京兆杜陵人周鄭襄公孝寬之子也周時以父功賜  
 爵永安縣侯邑八百戶文帝為丞相以其父平尉迥功進今封邑五  
 千戶歷恒毛二州刺史頗有治名開皇十年卒子保巒嗣

安邑伯韋壽第位至太常少卿

趙國公陰壽武威人父高周夏州刺史壽少果烈有武幹周時屢以  
 軍功拜儀同從武帝平齊進府位開府及文帝為丞相引壽為椽後  
 以監軍從韋孝寬平尉迥以功進位上柱國尋拜幽州總管封

陳國懿公竇榮定扶風平陵人周永富忠公善之子也周時嗣父爵  
 邑千戶歷位上開府其妻則文帝姊也文帝少與契厚榮定亦知文  
 帝竒表尤相推結文帝為丞相拜為洛州總管使鎮山東及受禪來

朝以佐命功拜上柱國以破突厥於高越原進爵安豐郡公增邑千六百戶歷遷左武衛大將軍開皇六年卒追贈今封子抗嗣官至定州刺史煬帝時坐與漢王諒通謀除名弟慶以永富郡公嗣陳公爵大業末出為南郡太守為盜賊所害

郢國公王誼河南洛陽人周時以軍功歷封楊國公出為襄州總管文帝為丞相轉為鄭州總管以討平司馬消難功拜大司徒文帝以誼前代舊勳甚加禮敬誼自以與文帝有舊亦歸心焉及受禪顧遇彌厚尋奉使突厥稱旨進今封未幾以罪賜死

成國明公李穆隴西成紀人周時歷拜大傅上柱國封申國公出為并州總管文帝輔政尉遲迥舉兵相州遣書招穆穆執其使送文帝又密表勸進文帝受禪拜大師賜真食成安縣三千戶開皇六年卒年七十七謚明長子惇周時至安樂郡公先穆卒子筠以嫡孫嗣申公爵仁壽初叔父渾陰遣兄子善衡賊殺之賄其妻兄宇文述言于

太子轉奏文帝遂封渾為申國公以奉穆嗣渾穆第十子也周時封安武郡公至是得嗣父爵大業六年追改穆今封渾仍襲焉九年累遷右驍衛大將軍尋為宇文述所構反狀既具于是誅渾等宗族三十二人自餘無少長皆徙嶺外

西安縣公李雅惇弟周保定中屢以軍功封西安縣男天和中沒於陳後得歸國從太子西征破吐谷渾封一子為侯遷荊州總管加邑八百戶開皇初進爵為公

陽曲縣侯李恒雅弟官至鹽州刺史封  
長城縣公李榮恒弟官至合州刺史封

歸政縣侯李直榮弟官至車騎將軍封

寧國公李雄直弟官至柱國封邑三千戶

黎國公李威穆兄陽平公遠之子周時嗣祖爵官至柱國開皇初以平蠻功進位上柱國進今封

隴西郡襄公李詢穆兄河西公賢之子周時以軍功賜爵高平郡公尉遲迥之亂詢從韋孝寬擊平之進位上柱國改封隴西郡公拜隰州總管卒子元方嗣

廣宗郡壯公李崇詢弟周元年以父勳封迥樂縣侯武帝時預謀平齊歷加開府封襄陽縣公尋改廣宗邑千戶文帝為丞相進爵郡公加邑至二千戶從平尉迥進位上柱國拜幽州總管與突厥戰沒謚壯子敏以父灰王事養宮中者久之及長嗣爵廣宗公賜

帝時以避諱改封經城縣公邑千戶大業十年為宇文述所構與同誅

戴國襄公梁睿安定烏氏人周時歷拜柱國大將軍封蔣國公出為安州總管文帝為丞相以睿代王謙為益州總管時謙已舉兵內向睿擊斬之劍南悉平進位上柱國食邑千戶密表勸進及受禪顧待彌隆徵還京師開皇十五年卒謚襄子洋嗣大業六年追改今封以洋嗣焉

史臣曰李穆梁睿皆周室功臣高祖王業初基俱受腹心之寄故穆首登師傅睿終膺殊寵觀其先機而作抑亦民之先覺然方魏朝之貞烈有愧王陵比晉室之忠臣終慙徐廣穆之子孫特為隆盛朱輪華轂凡數十人見忌當世禍難遘及得之非道可不戒歎

義陽郡安公皇甫績安定朝那人祖穆魏隴西太守父道州雍州都督績三歲而孤為外祖韋孝寬所養長而好學略涉經史周武帝為魯公時引為侍漢宣政初屢功封義陽縣男累官御正下大夫與鄭譯等謀引文帝輔政文帝為丞相拜上開府大將軍進今封邑千戶開皇元年增邑通前二千五百戶歷拜信州總管以病還京卒子儁嗣官至尚書主爵郎

普安郡公韋暮京兆人仕周内史大夫文帝之入相也以暮有定策之功累遷上柱國封開皇初卒于蒲州刺史

樂安郡公元諧河南雒陽人本魏宗室諧性豪俠有氣調少與文帝同受業於國子甚相友愛後以軍功累遷大將軍及文帝為丞相引致左右既受禪進位上大將軍封邑千戶以破吐谷渾功進柱國別

封一子縣公後數歲坐謀反誅籍沒其家

武陵郡公元胄河南洛陽人魏昭成之六代孫也祖順魏濮陽人父雄武陵王胄少英果多武藝周時以征伐功官至大將軍文帝被召胄與陶澄恒宿臥內委以腹心及為丞相典軍侍衛周趙王招謀害文帝賴胄扶蔽得出及受禪進位上柱國封三千戶累遷左衛大將軍後坐與蜀王秀交通除名煬帝時坐罪歿

平昌郡公元巖河南洛陽人父貞魏敷州刺史巖好讀書不治章句

劉綽有氣局以名節自許仕周釋褐將軍累遷內史中大夫昌國伯周宣帝時以切諫廢於家文帝為丞相加位開府及受禪拜兵部尚書進今封邑二千戶拜益州總管開皇十三年卒子弘嗣

洵陽縣公元孝矩河南洛陽人魏始平公子均之子也孝矩西魏時

嗣爵始平縣公周宣帝受累遷司憲大夫文帝重其門地娶其女爲房陵王妃文帝爲丞相拜柱國賜今爵及受禪拜壽州總管歲餘卒謚簡子無竭嗣

順陽郡公元雅孝矩次弟有文武幹用開皇中歷沁州刺史封

河間郡公元襄孝矩季弟少有成人之量年十歲而孤爲諸兄所鞠

養及長寬仁大度涉獵書史仕周宜至開府北平縣公趙州刺史及

文帝爲丞相從韋孝寬擊尉迥以功封拜上柱國進今封邑二千戶

煬帝初爲齊郡大守坐事免官卒於家年七十二

魯國公元文都孝矩之從子也父孝則周小冢宰江陵總管文都

性硬直有器幹仕周爲右侍上士開皇初授內史舍人累遷大府

卿大業十三年煬帝幸江都文都爲東都留守及帝崩文都推立

越王侗爲帝侗以文都爲內史令封旣而宇文化及立秦王浩文

都爲王世充所殺諸子並見害

宜陽郡公王世積闡熙新國父雅周開府儀同世積容貌魁岬風

神爽拔在周有軍功拜上儀同封長子縣公文帝爲丞相從韋孝寬

擊尉迥每戰有功拜上大將軍文帝受禪進今封授蘄州總管平陳

之役以功進位上柱國邑三千戶遷涼州總管坐誣構被誅

金城郡公趙張天水西人祖超宗魏河東太守父仲懿尚書左丞張

少孤養母至孝及長深沉有器局略涉書史周文帝引爲相府參軍

從破齊以功封平定縣男邑三百戶閔帝受禪遷陝州刺史累遷御

正上大夫文帝爲丞相加上開府遷大宗及受禪進位大將軍進今

封邑二千五百戶拜冀州刺史開皇十九年卒年六十八子義嗣官

至太子洗馬後同楊諒反誅

淮安郡公趙芬天水西人父演周秦州刺史芬少有辨智頗涉經史周文帝引為記室參軍累遷浙州刺史封淮安縣男邑五百戶拜東京山宗伯假鎮洛陽文帝為丞相尉迴司馬消難之謀芬察知之密白文帝由是深見親委遷右僕射進爵郡公拜蒲州刺史後數年卒子元恪嗣至揚州總管

安平郡公蘇孝慈扶風人父武周兗州刺史孝慈少沉謹有器幹美容儀周初為中侍上士從武帝伐齊以功進位開府賜爵文安縣公邑千五百戶尋改封臨水縣公增邑千二百戶累遷工部上大夫文帝受禪進今封仁壽初歷洪州總管其年卒

高都郡公李雄趙郡高邑人祖榼魏太中大夫父徽伯齊陝州刺史陷於周雄因隨軍入長安雄少慷慨有大志家世並以學業自通雄獨習騎射周文帝時釋褐將軍屢功至驃騎大將軍閔帝受禪賜爵為公宣帝嗣位從韋孝寬略定淮南文帝為相徵為司會中大夫以淮南之功加位上開府及受禪拜鴻臚卿進今封食邑二千戶數年遷行臺兵部尚書卒子公挺嗣

上庸郡文公韋世康京兆杜陵人世為關右著姓祖旭魏南幽州刺史父曼隱居不仕號為逍遙公世康幼而治敏有器度年十歲州辟主簿在魏弱冠為直寢封漢安縣公尚周文帝女授儀同從周武帝平齊進位上開府文帝為相以世康為絳州刺史鎮汾絳擢禮部尚書進今封加邑至二千五百戶開皇十二年歷拜吏部尚書出為荊州總管十七年卒贈大將軍



襄陽郡敬公韋洸世康弟性剛毅有器幹少便弓馬仕周釋褐主寢  
 上士數從征伐累遷開府賜爵衛國縣公邑千二百戶文帝為丞相  
 從季父孝寬擊尉迴於相州以功拜上柱國進今封邑二千戶伐陳  
 之役領行軍總管及陳平拜江州總管進平嶺表遷廣州總管歲餘  
 番禺夷王仲宣聚眾為亂以兵圍洸洸中流矢卒贈上柱國子協嗣  
 歷拜柱國刺史

魏興郡懷公韋藝洸弟少受業國子周武帝時數以軍功致位上儀  
 同賜爵修武縣侯邑八百戶出為魏郡太守及文帝為丞相以從季  
 父孝寬平尉迴功進位開府上大將軍改封武威縣公邑千戶以修  
 武縣侯別封一子文帝受禪進今封歷遷營州總管開皇十五年卒  
 謚惠


安固郡侯韋冲藝弟少以名家子在周釋褐參軍後從元定伐陳  
 被虜周武帝以幣贖還累遷汾州刺史文帝受禪徵為散騎常侍  
 進位開府賜爵歷拜營州總管仁壽中徵拜民部尚書未幾卒

平桑郡靜公韋操世康從父弟剛簡有風槩仕周位上開府光州刺  
 史文帝為丞相以平尉迴功進位柱國封歷荊州總管卒

建安郡簡公柳機河東解人周平齊公慶之子也機在周武帝時起  
 家記室從武帝平齊封拜華州刺史及文帝為丞相徵還京師時周

代舊臣皆勸禪讓機獨義形于色無所陳請俄拜衛州刺史及受禪  
 進今封邑二千四百戶徵為納言以疾卒子述尚公主嗣父爵歷拜  
 兵部尚書煬帝初為楊素所陷徙龍川而卒年二十九

新城縣男柳旦機弟工騎射頗涉書籍起家周左侍上士後以從



平王謙功授儀同三司開皇元年加開府進今封大業四年歷遷太常少卿卒

汝陽伯卿雄亮機從弟父檜周華陽太守爲賊黃衆寶所害武帝時衆寶歸長安雄亮手刃之尋治梁州總管記室累遷內史中大夫賜爵汝陽縣子文帝受禪以使陳還進爵爲伯歷行臺左丞卒奇章郡惠公牛弘安定鶉觚人周臨涇公允之子也弘性寬裕好學博聞在周起家內史上士其後嗣爵臨涇公進位內史下大夫開皇初遷秘書監進今封邑千五百戶二年拜禮部尚書大業三年進位上大將軍改右光祿大夫元年卒年六十六贈文安侯

絳郡公李禮成隴西狄道人涼王暹之六世孫也祖延實魏司徒父或侍中禮成年七歲隨魏孝武入關及長沉深有行檢不妄通賓客魏大統中釋褐著作郎周受禪拜散騎常侍後以軍功賜爵修陽縣侯從武帝破齊進封冠軍縣公加開府禮成知文帝有非常之表遂騁其妹爲繼室情契甚歡及文帝爲丞相進位上大將軍委以心膂進今封歷左衛大將軍寧州刺史以疾徵還京師卒

蒲城郡恭公郭榮太原人父徵魏大統末爲同州司馬與文帝有舊後官至涇州刺史安城縣公及文帝受禪拜大僕卿數年卒榮外疎內密與其交者多愛之周晉公護引爲親信擢參軍周武帝初拜宣納中士後從平齊以功封平陽縣男榮少與文帝親狎深自結納文帝爲相召拜相府參軍及受禪進今封加位上儀同大業九年歷拜右侯衛大將軍卒年六十八

趙郡懷公李安隴西狄道人父尉仕周歷三州刺史封襄武縣公安

美染儀善騎射周天和中釋褐右侍上士嗣爵襄武公文帝爲相引  
置左右安叔父梁州刺史璋時在京師與周趙王謀害文帝安知其  
謀遂陰白之璋與趙王并誅授安開府進今封及受禪拜黃門侍郎  
累進位上大將軍元壽元年出爲寧州刺史以疾卒子瓊嗣

順陽郡公李愬安弟文帝爲相拜愬儀同以告叔父璋謀封黃台

縣男及受禪拜開府儀同備身將軍兄弟俱典禁衛恩信甚重仁

壽元年出爲衛州刺史徵拜柱國進今封後坐事除名配防嶺南

病卒

靳春郡威公達奚長孺代人祖侯魏定州刺史父慶驃騎儀同樂安

公長孺少懷節操膽烈過人十五嗣爵樂安公魏大統中起家奉車

都尉周文帝引爲親信累拜車騎儀同增邑三百戶後從武帝平齊

進爵安成郡公邑千二百戶別封一子縣公宣政初以破陳功進位

大將軍文帝爲相王謙舉兵于蜀長孺擊破之及受禪拜上大將軍

進今封邑二千五百戶開皇二年歷荊州總管歲餘卒

鉅鹿郡懷公賀婁子幹本代人隨魏氏南遷世居關右祖道成魏侍

中太子太傅父景賢右衛大將軍子幹少以驍武知名周武帝時釋

褐司水土士以勤勞封思安縣子大象初除秦州刺史進爵爲伯及

尉迥之亂從韋孝寬尉破之文帝大悅進位上開府封武昌縣公邑

三千戶以舊爵別封子皎開皇元年進今封歷拜雲州總管十四年

以病卒謚孝武子善柱嗣官至黔安太守

東安郡公賀婁子幹兄亦有才略位至北地太守封

白水郡公主櫛不詳何人驍勇善射文帝以其有將帥才每以行軍

死回部系 卷四十一 十一 五百二十  
總管禦陳及平陳有功官至柱國封

武陽郡公李充隴西成紀人少慷慨有英略開皇中頻以行軍總管擊突厥有功官至上柱國封拜朔州總管坐譖被遣以疾卒

白水郡公楊武通弘農華陰人性果烈善馳射數以行軍總管討西南夷每有功封歷岷州總管討嘉州叛僚爲賊所執殺而噉之

北陳郡公陳永貴隴右胡人本姓白氏以勇烈知名文帝甚親愛之數以行軍總管鎮邊每戰必單騎陷陣官至柱國蘭州總管封

玉城公王景不詳何人官至上柱國封

舞陰郡公薛回河東汾陰人其先寓居關中回仕周官至涇州刺史開皇初封領漕渠監以年老致仕終于家

穀城郡公吐萬緒代郡鮮卑人周郢州刺史元壽公通之子也緒少

有武略在周起家撫軍將軍嗣爵元壽縣公數從征伐累遷大將軍文帝受禪進今封邑二千五百戶煬帝時歷位左屯衛大將軍光祿大夫以討劉元進違詔除名爲民以疾卒

長廣郡襄公杜整京兆杜陵人祖盛魏潁川太守父闢涇州刺史武鄉侯整少有風槩事母以孝聞及長驍勇有膂力好讀孫吳兵法魏

大統末嗣爵武鄉侯周文帝引爲親信後授都督從周武帝平齊加上儀同進爵平原縣公邑千戶文帝爲丞相進位開府及受禪加上

開府進今封開皇二年以行軍總管鎮襄陽尋病卒子楷嗣

城陽郡公李胤朔方巖錄人周德廣肅公和之子也性剛毅有器幹偉容儀多武藝周晉公護引爲親信累遷車騎儀同周武帝時以征吐谷渾功賜爵同昌縣男邑三百戶從平齊錄前後功加開府別封

蔡陽縣公邑千戶文帝受禪加上開府進爵齊安郡公以破突厥功復領行軍總管屯平涼以備胡寇封安道郡公開皇十年進位柱國改封德廣郡公尋徙今封後以怨言遇鳩而卒

汝陽郡恭公獨孤楷不知何許人本姓李氏父屯爲齊將沙苑之敗爲獨孤信所擒配爲士伍給使漸得親近因賜姓獨孤氏楷少謹厚便弄馬槊爲宇文護所執刀累遷將軍其後數從征伐賜爵廣阿縣公邑千戶周末從韋孝寬平淮南以功賜子景雲爵西河縣公文帝爲丞相進授開府及受禪進今封煬帝時歷并州總管卒

西河郡公乞伏慧馬邑鮮卑人祖周魏銀青光祿大夫父纂金紫光祿大夫並爲第一領民酋長慧少慷慨有大節便弓馬好鷹犬仕齊至封宜民郡王周武平齊授開府儀同中大夫文帝爲相以從韋孝寬大夫新令行衍封爵從例除六年以恩倖封真定侯七年從徃江都卒

魏國公王龍太原晉陽人世居京兆祖諧原州刺史父諒早卒韶幼而方雅頗好奇節識者異之在周累以軍功官至儀同復爲軍正從武帝平齊以功進位開府封晉陽縣公邑五百戶宣帝嗣位改封昌樂縣公文帝受禪進爵項城郡公邑二千戶進位柱國大將軍爲并州長史卒煬帝嗣位追贈今封子士隆嗣改封耿官至備身將軍河北郡肅公趙仲卿隴西天水人父綱周大將軍仲卿性麤暴有膂力周齊王憲甚禮之從平齊累功遷上儀同文帝爲相王謙舉兵益州仲卿擊平之進位上大將軍封長垣縣公邑千戶及受禪進今封加上柱國煬帝初歷判兵部工部曹尚書事其卒謚肅子弘嗣

安定郡襄公樊叔略陳畱人周時封清鄉縣公文帝受禪加位上大將軍進今封歷拜司農卿卒

落叢郡公燕榮華陰弘農人周時封高邑縣公文帝受禪進位大將軍進今封歷拜上柱國幽州總管以罪賜死

武鄉郡公崔弘度博陵安平人祖楷魏司空父說周敷州刺史弘度督力絕人儀貌魁岬性嚴酷年十七周晉公護引為親信後從周武

帝滅齊進位上開府鄴縣公周宣帝嗣位從韋孝寬破陳兵于壽陽以前後勳進位上大將軍嗣父爵安平縣公文帝為相尉迴之亂從

韋孝寬擊平之進位上柱國時行軍總管例封國公弘度不時殺迴致縱惡言由是降下一等為武鄉郡公仁壽中歷位大府卿卒

黃臺縣公崔弘昇弘度弟在周為右侍上士以平尉迴功拜上義同寬平尉迴功進位柱國大將軍賜今封邑三千戶及受禪拜曹州刺

史煬帝初為天水大守大業五年坐罪除名為民卒於家皖城郡公張威不知何許人父琛魏弘農太守威少倜儻有大志善

騎射督力過人在周數從征伐位至京兆尹封長壽縣公邑千戶文帝為相以平王謙功進位上柱國及受禪改封晉熙郡公又改今封

歷相州刺史卒廣武郡公和洪汝南人少有武力勇烈過人周武帝時數從征伐以

戰功累遷車騎儀同復從平齊賜爵北平侯邑八百戶文帝為相以破尉迴于相州功拜柱國進今封邑二千戶開皇中累遷徐州總管

卒昇平郡定公侯莫陳穎代人周梁公崇之子也穎少有聖量風神警

祭為時輩所推魏大統末以父軍功賜爵廣平侯周武帝時累遷振威中大夫文帝受禪加上開府進今封開皇中進位大將軍拜桂州總管煬帝嗣位坐事免數年復拜南海太守卒

武康梁令狐熙燉煌人周彭陽公整之子也熙性嚴重有雅量博覽羣書善騎射起家以通經為吏部上士尋授都督後嗣父爵進位儀同文帝受禪除司徒左長史加上儀同進今封累遷桂州總管為人所訟以夏病卒

武山郡襄公郭衍太原介休人父以舍人從魏孝武入關其後官至侍中衍少驍武善騎射周陳王純引為左右累遷大都督從周武帝平齊以功封武強縣公邑一千二百戶文帝為相衍從韋孝寬破尉迥於相州加上柱國進今封開皇中歷左宗衛率大業元年拜光祿


上開府封黃臺縣侯邑八百戶文帝受禪進爵為公煬帝初歷位金紫光祿大夫涿郡太守以征遼敗走病卒

任城郡宣公辛彥之隴西狄道人周時封五原郡公文帝受禪改今封拜禮部尚書遷洛州刺史卒

陽城郡公史祥朔方周武遂公寧之子也祥少有文武才幹仕周太子車右中士嗣父爵文帝受禪拜儀同領交州事進今封伐陳之役進拔江州進位上開府煬帝嗣位漢王諒之亂以祥為行軍總管討平之進位上大將軍遼東之役以失利除名俄拜燕郡太守為高開道所執卒

武平郡公史雲祥兄官至萊州刺史

武當郡公史威祥兄官至武賁郎將二公俱見周



義寧郡壯公周羅侯九江尋陽人父法嵩仕梁爲南康內史封臨蒸縣侯羅暉仕陳以功封始安縣侯至德中都督巴峽以拒秦王後軍陳主被擒羅暉乃降拜上儀同幽州刺史開皇十八年起遼東之役徵爲水軍總管明年從楊素擊破突厥進位大將軍仁壽元年進今封食邑一千五百戶煬帝初以平漢王諒功進位上大將軍又討諒餘黨中流矢卒

譙郡僖公周法尚汝南安成人仕陳以功封山陰縣侯領齊昌郡事法尚與長沙王叔堅不相能叔堅言其將反陳宣帝欲誅之法尚遂歸于周封歸義縣公文帝爲相法尚拒司馬消難有功及受禪拜巴州刺史又以擊賊功進今封邑二千戶累遷桂州總管煬帝時以破揚玄感功進右光祿大夫卒

同軌和公衛玄河南洛陽人祖悅魏司農卿父標侍中興勢縣公玄少有器識周武帝在藩引爲記室遷給事上士賜爵興勢公累遷京兆尹周宣帝時以忤旨免官文帝爲相和州蠻反以玄爲行軍總管討平之及受禪遷淮州總管進今封大業八年歷遷刑部尚書九年煬帝幸遼東使玄與代王侑留守京師拜爲京兆內史加光祿大夫唐師入關玄憂懼稱疾不知政事城陷歸于家義寧中卒年七十七

萬安郡公李圓通京兆涇陽人父景以軍士隸武元帝因與家僮黑女私生圓通景不之認由是孤賤給使文帝家及爲隋國公擢爲參軍後爲丞相賜封懷昌男久之授帥都督進爵新安子委以心膂周氏諸王每害文帝圓通保護獲免既受禪進爵爲伯從楊素伐陳



進封萬安縣侯仁壽中以勲舊進爵郡公煬帝嗣位拜兵部尚書爲  
宇文述所譖坐罪免以憂卒

榮國公來護兒江都人幼而卓詭好立奇節賀若弼之鎮壽州也常  
令護兒爲間諜授大都督平陳之役護兒有功焉進位上開府從楊  
素擊賊進位柱國大將軍仁壽三年賜爵黃縣公邑三千戶尋加上  
柱國煬帝大業九年以擊破楊玄感功進今封邑二千戶十三年江  
都之難宇文化及忌而害之及化及反諸子皆遇害唯少子恒濟獲  
免

滑國公李景夫水休官人父超周應戎二州刺史景容貌奇偉膂力  
過人驍勇善射平齊之役頗有力焉授儀同三司以平尉迥進位開  
府賜爵平寇縣公邑千五百戶開皇仁壽中以破突厥平漢王諒功  
進位柱國右武衛大將軍煬帝大業二年以破高麗武厲城賜爵死  
立侯九年復出遼東以擊走高麗追兵進今封十二年遇賊見害

順政郡公董純隴西成紀人祖和魏太子左衛率父昇圍柱國純以  
有膂力便弓馬在周仕歷司御士典御下大夫封固始縣男邑三百  
戶從周武帝平齊以功進爵大興縣侯增邑通前八百戶文帝受禪  
進爵漢曲縣公後以軍功進位上開府改封順政縣公煬帝大業初  
以從楊素平漢王諒功拜柱國進今封增邑二千戶歷遷彭城留守  
時盜賊蜂起人譖純怯懦坐誅

盧國公劉方京兆長安人性剛決有膽氣仕周承御上士尋以戰功  
拜上儀同文帝爲丞相方從韋孝寬破尉迥于相州以功加開府賜  
爵河陰縣侯邑八百戶文帝受禪進爵爲公開皇中以破突厥平交

州進位大將軍大業元年以征林邑病卒追贈上柱國進今封子通

仁嗣

新義郡公韓擒虎河南東垣人周新義公韓雄之子也擒虎少慷慨

以膽略見稱容貌魁偉性亦好書仕周以軍功拜都嗣爵新義郡公

開皇拜歷廬州總管及大業伐陳以擒虎為先鋒既平陳進位上柱

國有司劾擒虎放縱士卒淫汗陳主故不加爵邑其後突厥來朝畏

其威容乃別封子壽光縣公食邑千戶歷涼州總管卒子世諤嗣後

從楊玄感反被執脫逃不知所終

新蔡郡公韓僧壽擒虎母弟亦以勇烈知名周武帝時為侍伯中旅

下大夫文帝為相從韋孝寬平尉迥每戰有功授大將軍封昌樂公

邑千戶開皇初拜安州刺史進爵廣寧郡公十八年以從楊素擊破

突厥功進位上柱國改封江都郡公煬帝嗣位改今封大業八年卒

甘棠縣公韓洪擒虎季弟少驍勇善射膂力過人仕周侍伯上士後

以軍功拜大都督文帝為相從韋孝寬破尉迥於相州加上開府甘

棠縣侯邑八百戶文帝受禪進爵為公開皇九年以平陳功加柱國

仁壽元年以破突厥功加位金紫光祿大夫卒

高都縣平公楊尚希弘農人祖真魏天水大守父承賓三州刺史尚

希少孤年十一辭母請受業長受盧辯見而異之令入大學專精不

倦文帝奇之賜姓普六茹氏擢為國子博士仕明武世歷計部中大

夫賜爵高都縣侯周宣帝時令尚希撫慰山東至相州而宣帝殂文

帝為相尉迥起兵尚希自歸長安文帝以尚希宗室之望又背迥而

至待之甚厚及受禪進爵為公歷拜蒲史卒謚平子旻嗣後改封丹

水縣公

渡澤縣公劉弘彭城叢亭里人魏太常卿芳之數也少好學有行檢重節槩仕齊歷西楚州刺史及齊亡周武帝以為本郡太守文帝為相弘以拒尉迴功授齊州長史志在立功不安佐職開皇初平陳之後表請從軍以功加上儀同封渡澤縣公拜泉州刺史為賊高智慧所厚被害子長信嗣爵

虵丘縣公王頌太原祁人梁太尉王僧辯之子也頌少倣儻有文武幹局僧辨平侯景留頌質於荊州元帝為周所滅頌因入關聞父為陳武帝所殺號慟毀瘠周明帝嘉之召授左侍上士累拜儀同三司開皇初以平蠻功加開府封因獻取陳之策遂從韓擒虎平陳掘陳武帝屍骨焚之歷齊州刺史卒

襄城縣公何妥西城人周宣帝時為太學博士以議立五后封襄城

縣伯文帝受禪加通直散騎常侍進爵為公歷國子祭酒卒

昌樂縣公柳婁河東解人周時累封以預謀引文帝入相進位上開

府拜內史大夫開皇元年進位大將軍拜曹州刺史卒子惠童嗣

龍崗縣襄公段交振北海期原人祖壽魏滄州刺史父威周四州刺

史文振少有膂力膽氣過人性剛直明達時務初為宇文護親信權

授兵曹後從周武平齊以前後功授上儀同賜爵襄國縣公邑千戶

文帝為相尉迴舉兵文振委家歸于文帝文帝引為丞相掾領宿衛

加上開府改今封煬帝時歷位兵部尚書右光祿大夫卒贈右僕射

北平侯

濟陽縣公伊婁謙本鮮卑人周安陽公伊婁穆之弟也謙性忠直善

辭令仕魏為直閣將軍周受禪累遷宣納上士進車騎大將軍以使  
齊功賜爵濟陽縣伯大象中進爵為侯文帝為相授亳州總管及受  
禪拜大將軍進爵為公數年出為澤州刺史卒子傑嗣

襄武縣公杜彥雲中人父遷屬葛榮之亂徙家于幽彥性果勇善騎  
射仕周釋褐左侍上士後以軍功賜爵永安縣伯文帝為丞相從韋  
孝寬平尉迴進位上開府改封襄城縣侯開皇初授丹州刺史進爵  
為公十八年歷雲州總管以疾卒

昌陽縣公杜寶安彥子以彥平陳功賜爵  
承縣公杜寶虔彥子以彥擒突厥功賜爵大業末歷文城縣丞  
秦興縣公楊崇代人本姓尉遲氏仕周為儀同大將軍以兵鎮恒山  
時文帝甚親待之及為相尉迴作亂崇以宗族之故自囚于獄遣使  
請罪文帝下書慰諭之即令馳驛入朝恒置左右開皇初封歲餘擊  
突厥戰歿子義臣嗣時義尚幼養于宮中年末弱冠奉詔宿衛賜姓

楊氏大業中進位光祿大夫禮部尚書卒  
宗城縣公劉權彭城豐人祖軌齊羅州刺史權少有俠氣重然諾後  
更折節好學動循法度初為州主簿仕齊釋褐奉朝請行臺郎中及  
齊滅周武帝以為假淮州刺史文帝受禪以車騎將軍領鄉兵後從  
晉王廣平陳以功進授開府儀同開皇十三年賜爵歷位金紫光祿

大夫卒年七十  
高唐縣公魚俱羅馮翊下邳人身長八尺膂力絕人弱冠為親衛累  
遷大都督從晉王廣平陳以功拜開府又從楊素擊賊有功以功進  
位柱國上開府賜爵大業九年以見忌坐罪斬東都市家口籍沒

本子

平遙縣公鮑宏東海邳人父機以才學知名仕梁官至治書侍御史  
 宏七歲而孤為兄家之所育年十二能屬文仕梁元帝歷通直散騎  
 侍郎江陵既平歸于周以建策平齊賜爵平遙縣伯邑六百戶文帝  
 為相不附王謙謙敗入京文帝受禪進爵為公後授均州刺史卒年  
 六十九

安陽縣蕭公崔彭博陵安平人祖楷魏殷州刺史父謙周荊州總管  
 彭少孤事母以孝聞性剛毅有武略工騎射善周官尚書略通大義  
 周武帝時為侍伯上士文帝為丞相遣執周齊王純於齊州拜上儀  
 同及受禪賜爵安樂縣男仁壽末進今封邑三千戶煬帝嗣位遷左  
 領軍大將軍卒贈大將軍子寶德嗣

平昌縣公宇文弼河南洛陽人其先與周同出祖直力魏鉅鹿太守  
 父珣周宕州刺史弼慷慨有大節博學多通仕周為禮部上士後從  
 周武帝平齊以功累拜上儀同封武威縣公邑千五百戶宣帝時以  
 拔壽陽功改封安樂縣公增邑六百戶文帝為相司馬消難舉兵敗  
 而奔陳弼追之不及大破陳兵于漳口開皇初以前功改今封加邑  
 一千二百戶煬帝時歷拜刑部尚書以見忌為人所奏坐事誥死  
 聞喜縣公裴矩河東聞喜人祖他魏都官尚書父納之齊太子舍人  
 矩繼祿而孤及長好學頗愛文藻有智數事齊立高平文學為定州  
 總管召補記室及受禪遷給事中屢以軍功拜開府賜爵煬帝時位  
 右光祿大夫黃門侍郎宇文化及弒逆立秦王浩以矩為侍中隨化  
 及至河北及稱帝封為蔡國公化及誅又事實建德為吏部尚書建  
 德敗歸唐

井陘定侯韋師京兆杜陵人父瑱周驃騎大將軍師少沉謹有至性及長略涉經史尤工騎射周晉公護引為記室參軍周武帝平齊以師安撫山東徙為兵部大夫文帝受禪拜吏部侍郎封五百戶歷行臺兵部尚書汴州刺史卒子德政嗣


容城縣侯盧愷涿郡范陽人魏中書監容城伯柔之子也愷性孝友神情爽晤略涉書記頗解屢交周齊王憲引為記室其後嗣容城伯爵邑千一百戶從憲伐齊增邑七百戶建德中增邑二百戶大象初累遷吏部大夫開皇初加上儀同除吏部侍郎進爵為侯歲餘拜禮部尚書攝吏部事坐被譖除名為民卒子義恭嗣

邯鄲縣侯梁毗安定烏氏人祖越魏邵陽縣公父茂為滄兗二州刺史毗性剛謇頗有學涉周武帝時舉明經累遷布憲下大夫從齊加儀同宣政中封易陽縣子邑四百戶文帝受禪進爵為侯開皇中出

為西寧州刺史改今封煬帝初遷刑部尚書以諫靜忤旨憂憤卒

武安縣壯武侯張定和京兆萬年人少貧賤有志節初為侍官以從平陳功拜儀同後以學突厥功進位柱國封煬帝初爵隨例除後以左屯衛大將軍從征吐谷渾中流矢卒于是復封子世立嗣

濟國景公樊子蓋廬江人祖道則梁越州刺史父儒侯景之亂奔于齊官至仁州刺史子蓋解褐參軍歷員外散騎常侍封富陽縣侯邑五百戶周武帝平齊授儀同鄧州刺史文帝受禪以儀同領鄉兵平陳之後加上開府改封上蔡縣伯食邑七百戶煬帝初進位光祿大夫大業九年為東都留守以平楊玄感功封建安侯十年煬帝還東都謂子蓋曰玄感之反故以彰公赤心耳析圭進爵宜有令謨是日



下詔進爵為濟公言其功濟天下特為立名無此郡國也十一年卒  
年七十二贈開府儀同

率道縣伯柳儉河東解人祖元璋魏司州大中正父裕周聞喜令儉  
有局量立行清苦為州里所敬周時歷宣納上士畿伯大夫及文帝  
受禪擢水部侍郎封累遷邛州刺史隋亡歸唐拜上大將軍卒年八  
十

魏城縣伯陳茂河東倚氏人家世寒微質直恭謹為州里所敬文帝  
為隋公引為僚佐官至上士文帝為相委以心膂及受禪拜黃門侍  
郎封魏城縣男每典機密累遷太府卿進爵為伯後數歲卒子政嗣  
南和伯李諤趙郡人好學解屬文仕齊為中書舍人周武帝平齊拜  
天官都上士諤見文帝有奇表深相結納文帝為相甚見親待訪以

得失及受禪歷比部考功二曹侍郎賜爵為通州刺史卒子大方  
嗣大業初判內史舍人卒

端氏縣伯源崇西平樂都人周朔方公雄之子也開皇初雄以朔州  
總管從秦王俊平陳以功賜崇爵雄卒崇嗣父爵歷尚書虞部郎與  
賊戰沒

安化伯源襄崇弟亦以父平陳功賜爵

饒陽伯劉臻沛國相人父顯梁尋陽太守臻年十六舉秀才元帝時  
遷中書舍人江陵陷復歸蕭察以為中書侍郎周晉公護辟為記室  
軍書羽檄多成其手後授大都督封饒陽縣子歷畿伯下大夫文帝  
受禪進位儀同高頰之伐陳也以臻隨軍典文翰進爵為伯開皇十  
八年卒

平鄉伯楊汪木弘農華陰人曾祖順徙居河東父琛儀同三司汪少  
凶疎長更折節勤學解褐周冀王侍讀累遷夏官府都上士文帝爲  
相引知兵事遷掌朝下大夫文帝受禪賜爵邑二百戶煬帝時歷國  
子祭酒煬帝崩王世充立越王侗爲帝徵拜吏部尚書及世充篡逆  
汪復用事世充平以凶黨誅歿

饒良子長孫熾河南洛陽人魏太師上黨王稚之曾孫也祖裕魏太  
常卿父兕周平原侯熾性敏慧美姿儀頗涉羣書兼長武藝仕周歷  
遷御正上士文帝爲相擢爲相府參軍加大都督封平陽縣子邑二  
百戶及受禪熾率官屬先入清宮卽日授內史舍人上儀同累遷吏  
部侍郎改封大業中授銀青光祿大夫六年卒謚靜

文安子張大淵自云清河人家于淮陰好讀兵書尤便刀盾以破賊  
知名起家州主簿文帝爲相授大都督平陳之役爲間諜有功進位  
開府儀同封邑八百戶歷拜大將軍仁壽中遷潭州總管在職二年  
卒

城安子于宣道河南維陽人周建平剛公義之子也宣道性謹密不  
交非類仕周釋褐左侍上士以父功賜爵城安縣男邑二百戶文帝  
爲相引爲外兵曹尋拜儀同及受禪遷內史舍人進爵爲子進位上  
儀同卒

臨水子陸彥師魏郡臨漳祖希道魏定州刺史父子彰中書監彥師  
少有行檢長而好學解屬文魏襄城王旭引爲參軍入齊歷吏部郎  
中周武平齊授載師下大夫宣帝時轉少納言賜爵臨水縣男文帝  
爲相彥師請假還鄴尉迴之謀彥師知之遂委妻子潛歸長安文帝



嘉之拜上儀同及受禪進爵為子歷吏部侍郎出為汾州刺史卒

湖波子庫狄士文代人齊章武王敬之子也性孤直少讀書在齊嗣

父封爵官至領軍將軍周武平齊授開府儀同隋州刺史文帝受禪

加上開府封遷貝州刺史坐誣譖下獄死

安陽男辛公義隴西狄道人祖徽魏徐州刺史父季慶青州刺史公

義早孤母氏親授書傳周天和中選良家子任太學生以勤苦著稱

建德初授宣納中士從平齊遷掃寇將軍文帝為相授內史上士參

掌機要開皇元年賜爵邑二百戶仁壽末歷遷司隸大夫武賁郎將

從征至柳城卒

河內男慕容三藏燕人北適齊燕郡公慕容紹宗之子也三藏幼聰

敏多武略頗有父風仕齊釋褐參軍累遷右衛將軍嗣父爵燕郡公

邑八百戶又以敗周師河南功別封范陽縣公食邑千戶周武平齊

授開府儀同大將軍開皇元年授吳州刺史十年以行軍總管平廣

州功授大將軍十五年授豐州總管仁壽元年改今封大業三年授

金紫光祿大夫七年卒

右文帝封凡國公十六人郡公五十二人其二後進國公縣公二十二

人三進國公縣侯四人伯七人一進國公子五人男二人隨父見者國公

三人郡公十二人縣公六人縣侯三人伯二人男二人

弘義明公皇甫誕安定烏氏人祖和魏膠州刺史父璠周隋州刺史

誕少剛毅有器局周暉王引為參軍文帝受禪為兵部侍郎遷尚書

右丞時漢王諒為并州總管以誕為司馬總府政事煬帝嗣位諒發

兵反誕以拒諒遇害贈柱國追封子無逸嗣大業令行舊爵例除以

無逸誠義之後賜爵平輿侯歷拜右守衛將軍

濮南縣康公柳詵本河東人永嘉之亂徙家襄陽祖惔梁侍中父暉都官尚書功言少聰敏解屬文好讀書仕梁釋褐著作佐即後蕭譽稱帝荊州以爲吏部尚書梁國廢詔遷內史侍郎仁壽初爲東宮學士爲煬帝所親狎及嗣位拜秘書監封從幸楊州遇疾卒

魯國公元文都洛陽人洵陽公孝矩之兄子也父孝則周小冢宰江陵總管文都性鯁直明辨有器幹仕周爲右侍上士開皇初授內史舍人歷大府卿大業十三年煬帝幸江都以文都爲東都留守及帝遇害文帝遂立王侗爲帝署文都爲內史令封旣而宇文化及立秦王浩文都與王世充有隙世充作亂執文都斬之諸子並見害

涿郡公盧楚范陽人祖景作魏司空椽楚少有才學而口吃大業中爲尚書右司郎當朝正色越王侗稱帝以楚爲內史令封與元文都同謀誅王世充事世世充作亂殺之

紀國武節公獨孤盛代人上柱國楷之弟也性剛烈有膽氣煬帝在藩盛以左右從及嗣位累遷右屯衛將軍宇文化及弒逆盛率衆拒之爲亂兵所弒越王侗稱帝追封謚

高陽縣文節公許善心高陽北新城人祖茂梁散騎常侍父亨陳衛尉卿善心九歲而孤聰明有思理十五解屬文起家新安王法曹舉秀才對策高第累遷通直散騎常侍聘于隋遇文帝伐陳不獲反命及陳亡善心號哭文帝嘉之就拜原官尋遷虞部侍郎大業末通議大夫行給事郎十四年宇文化及弒逆善心被執不屈遂遇害越王侗稱帝進封謚

昌黎郡壯武公馮慈明信都長樂人父子琮仕齊官至尚書右僕射慈明在齊以戚屬之故年十四爲淮陽王參軍進除中書舍人周武平齊授帥都督文帝受禪除開府參軍累遷禮部侍郎加位朝請大夫大業十三年攝江都郡丞事李密之亂慈明奉詔安集爲賊所執遂遇害年六十八越王侗稱帝追封謚

南陽郡忠公張衡河內人祖疑魏河陽太守父光萬州刺史衡幼懷志尚有骨鯁之風年十五詣大學受業拜漢王侍讀累遷掌朝大夫帝受禪拜司馬侍郎及煬帝爲并州總管拜衡爲椽甚見親任奪宗之計多衡所建也煬帝嗣位累遷御史大夫出爲榆林太守坐罪除名大業八年賜歿于家義寧中以歿非其罪追封謚

卮言曰張衡始以鯁正立名旣而首倡邪謀親信未已譴怒繼之雖死不以罪然可謂得天誅矣贈公謚忠名噐之濫甚矣

右煬帝以後封爵凡國公二人郡公四人縣公二人

外戚公侯章

齊郡敬公呂永吉父雙周文帝外祖也呂氏其族蓋微乎齊之後求訪不知所在至開皇初濟南郡上言有男子呂永吉自稱有姑字苦桃爲楊廣妻勸驗知是舅子始追贈雙周爲上柱國加封謚以永吉嗣爵留在京師大業中授上黨太守後去官不知所終

蜀國恭公獨孤羅雲中人周趙國公信之子文帝獻皇后之兄也信初仕魏爲荊州刺史西歸長安羅遂爲齊所囚及信爲宇文護所誅羅始見釋寓居中山孤貧無以自給齊將獨孤永業以宗族之故見而哀之及齊平文帝爲定州總管獻皇后遣人尋羅得之周武帝以

羅功臣子徵拜楚安郡太守以疾去官文帝為丞相拜儀同既受禪追贈信為趙國公以羅嗣爵歷位上柱國煬帝嗣位改封蜀國公未幾卒子纂嗣仕至河陽郡尉

河內郡公獨孤善羅弟文帝受禪時封官至柱官卒子覽嗣仕至左侯衛將軍

金泉縣公獨孤穆善弟同日封

武平縣公獨孤藏穆弟同日封

武喜縣公獨孤陁藏弟同日封歷位上大將軍延州刺史


恩澤公侯章

梁國公蕭琮後梁主歸之子也歸卒琮嗣位後二歲文帝徵琮入朝而琮叔父巖及弟獻等遂引陳人以叛乃廢梁國拜琮為柱國賜爵莒國公煬帝嗣位琮妹為皇后以是甚見親重拜內史令改今封後以忌廢于家未幾而卒復以琮弟子鉅為梁公煬帝甚昵之以為十牛江都之變為宇文化及所殺

右亾國後封

洹水子來和京兆長安人少好相術所言多驗周冢宰宇文護引之左右由是出入公卿之門初為夏官下士累遷少卜上士賜爵安定鄉男進封洹水縣男文帝徵時來諧和相和曰公當王有四海及為相拜儀同既受禪進爵為子開皇十五年卒

右倭幸封



臣等謹將... 臣等謹將... 臣等謹將...

臣等謹將... 臣等謹將... 臣等謹將...

臣等謹將... 臣等謹將... 臣等謹將...

臣等謹將... 臣等謹將... 臣等謹將...

臣等謹將... 臣等謹將... 臣等謹將...

[Blank page with some faint bleed-through or texture]

